

名公書判清明集

名公書判清明集卷之八

力婚門

立繼類

當出家長

蔡九軒

立繼之法必有所由、李氏既是家長則立繼必由李氏、李氏之  
詞則曰已立劉恢繼嗣十餘年而劉賓暗作據照謀奪劉賓之  
詞一則曰衆尊長立賓男明孫為繼二則曰李氏老病昏昧等  
語則明孫之立分出於群黨之私計而非出於李氏之本意明  
矣本縣所申未究底蘊、滕州僉廳詳詞結絕申、

生前抱養

唐齊

身在養子力絕立繼事體條法迥然不同丁一之無子生前抱養王安之子為後年未三歲正合條法殘後第用之欲以已子為一之後一之生前抱養與親生同而一之既自有子用之不得干預再詞懲斷

父在立異姓父亡無遺還條

胡石壁

準法諸養子孫而所養祖父父亡其祖母母不許非理遺還鄭文寶無子而養元振以為子雖曰異姓三歲已下即從其姓依親子孫法亦法令之所許文寶之養元振不經除附當時年歲

固不可考然當文質生前鄭逢吉折簡與之已呼之為姪以此  
勘驗昭然不誣今文質既亡雖使其姪欲以非理還亦不可  
得况伯叔乎使逢吉有感於舊人戒鄭之事惡族類之非我恐  
鬼神之不歆則但以理訓諭第婦人於本宗擇一昭穆相當者  
與元振並立如此為猶出於公也若其不聽在法六亡妻在者  
從其妻尊長與官司亦無抑勒之理今據所畫宗族圖却言自  
已有二子其意果在是乎真欲紛兄之臂而奪之食也弟在則  
誣訴弟弟亡則誣訴姪用心不減一至於此當職平日疾惡此  
輩如寇讐今日當官何可不治杖一百枷項市曹令示衆十日

今晚寄萌來早斷

叔教其嫂不願立嗣意在吞併

胡石壁

李學文既娶而亡其祖又嘗為立嗣則非未成丁之子矣阿張昨以所命繼子是李學文親堂弟昭穆不順為詞本府迭與勸令歸宗別令命繼而今此所陳乃誣學文自親弟下不願更與之立嗣如此則是絕學文之後矣阿張一愚婦耳無所識此必是李學禮忘在吞併乃兄之家業遂教其母以入詞忘同氣之息棄繼絕之誼廢其祭祀餒其鬼神是可忍也孰不可忍也此等禽獸異類當職惡之如寇讐若非赦恩在近便當勘斷編管

且鉅身抑下矣。願同本宗尊長俱具昭穆相當之人以憑命繼。  
又喚到尊長俱無昭穆相當之人乞立異姓。國立異姓曰：然。  
家立異姓曰：亡。春秋書魯人戒鄆，蓋謂其以異姓為後也。後世  
立法雖有許立異姓三歲以下之條，蓋亦曲徇人情，使鰥夫寡  
婦有所恃而生耳。初未嘗令官司於其人已死其嗣已絕而自  
為命繼異姓者。今李學文既無昭穆相當之子而其母阿張又  
常有不願命繼之詞在官司，豈可強令求之異姓，但當與之分  
定一戶田業，一分還李惟賢，一分還阿張，與李學禮母子同共  
掌管。候李學禮將來，如有兩子，令將一子以繼學文之後，如亦

無子則聽阿張區處李學禮放

已立昭穆相當人而同宗妄訴

翁浩堂

謹按今日諸無子孫聽養同宗昭穆相當者為子孫又曰其欲  
絕而得絕家近親尊長命繼者聽之又曰夫亡妻在從其妻  
觀此三條則王氏爭訟可一見便決何至連編累牘越月踰年  
如是之紛紛乎王學正思中娶江氏為妻無子立弟學錄次男  
為子名作霖娶兩妻復無子王思中夫妻又為立姪宗二秀次  
男為子名華老可謂昭穆相當矣王未錫於華老為叔父所盡  
宗族及所供狀並無異辭江氏於華老為祖母亦無他說祖父

父養之尊長命之祖母主之華老之得為作孫嗣安如山欵誰  
得而動搖之哉王宗權岳誕其傍不顧理法之不當但知財利  
之攫取欺凌孤寡起事貪謀妄謂華老已出繼王興祖及考宗  
被則知不然蓋出繼王興祖者非華老也王宗權自知理曲前  
以累追不出以致詞訟淹延當職叅詳故牘事理昭灼正不待  
思權之出自可定斷但江氏尚訴攘奪簪朶衣服器皿等事今  
大綱既正末節即與閩畧引示思權如今後不安分守妄生事  
端官司定與追究斷治案給斷由付江氏收執當官除附備涉  
縣門申州併提舉司照會



立昭穆相當人復欲私意遺還

留耕

照得虞父存日娶陳氏得妻家標撥田一百二十種與之隨嫁不幸陳氏與虞父相繼物故乃父虞縣丞不能為之立後致陳佐有詞於官譙運使判令立嗣虞丞方議以族中虞升夫之子虞繼為虞父後此虞丞之初心已為不善虞繼既立之後虞丞若念其子亡歿則當以親孫愛之撫育教養使之有所成立可也顧以一寵妾離間之故愛憎遽分意復中悔於是以收養遺棄為名而除為遺逐養子之計此虞丞設心益不善矣原虞繼之立非虞丞之本心特其子虞父得妾隨嫁之田身歿而業無

所歸既為陳佐所訟、患得患失之心、日切于中、且當年譙運使之  
判、姑為此以解目前之紛紛耳、然不思虞繼係本宗昭穆相當  
之子、幸而立之、可以為其子、後虞繼既無顯過、安可切切然以  
去之、彼虞繼者、果何自而立哉、三歲收養、在法雖有明條、然世  
人果能收養於遺棄之中者、鮮矣、其陰謀狡奩、扶合指證、類皆  
出於私心者、十蓋八九、虞雖之立、恐亦如此、詳其本縣出給所  
立、但言繼死、則虞繼本無恙、及陳佐與詞、虞永出官、分析却乃  
供稱虞繼已死、而後立虞、雖何前後之自相矛盾邪、且虞繼之  
立、蓋因虞父死後、譙運使因陳佐之詞、責令立繼、而後虞繼始

立今據公據內乃謂虞父死虞繼已不歸家持喪則不孝之罪重而後虞雖可得而立虞繼可得而遣而不知官司文書具在其命繼之月日固可考也近虞繼嘗同其本生父虞升之出官陳詞而謂其已死可乎夫曰已死曰不持喪是皆虞丞意在立雖而不可立繼也粧合拾遺棄而收養經營於縣據之出給作偽日拙虞丞之心亦勞矣今案牘既齊足可參照其切于人亦皆在官其未出官者獨房長虞季恭與虞丞妾劉氏兒爾是二人者已拱手狀在案不待喚集足見是非虞繼既先為虞丞所立昭穆既順且無顯過自無遣逐之理合照先來經官除附承

典建父香火劉氏不得妄生事惹詞虞雖不得妄謀攙立但劉氏乃虞丞之妾曾為虞丞生子於虞繼合有服紀父母所愛大馬亦然而况於人父母有過子孫安可擬議虞繼但當以出繼為心植立重父門戶使虞父箕裘不墜不可以舊惡為念與劉氏生隙欲門示虞雖虞繼仍帖縣備示劉氏知委非惟虞父香火有歸亦可以息陳佐不已之詞奉台判照所擬行見知在人引喚讀示訖各放

立繼營葬嫁女並行

建陽

涂子恭死無嗣堂兄涂子仁以次子為之嗣義也親弟涂拱以

三喪未葬、妹女未嫁、為憂亦義也。夫既曰義矣、立繼之遲速、喪  
嫁之後、先宜並行而不悖、而自為紛紛者何也？母乃跡義而心  
利歟？母乃事在此而心在彼歟？風俗薄惡、良可重歎。使涂子恭  
無祖業、無分法、應無過而問焉者矣。有司不忍助為紛紛、各勉  
以為義之實、照得涂子仁以其子淮孫繼兄涂子恭後、招穆為  
順於條、無礙。但涂子恭涂拱兩房、未見物業若干、引示門喪從  
公檢校、取狀申聽。淮孫為子恭後、仍取責涂拱日下同姓淮孫  
安葬三喪、遣嫁姪女、收入案、庶幾並行而不悖、以全兄弟死生  
之義、仍申提舉使臺。

諸力絕而立繼者官司不應沒入其業入學文溪

建陽縣申到拘沒周德田業入學事、俞廳凝云、帖縣將屋業撥還周起宗、以立周德之後限十日取周起宗管業狀申、如阿張更被掌攬唆教有詞、則當徑追阿張後夫章師德根究積年、侵用周德租米多少、計賊定罪、奉提舉台判下殤、不當立嗣、初無此條、嫁出妾以主田獻入官、亦無此法、起宗雖非周成親生子、畢竟從小抱養、况其有子可以繼周德之絕、官司合與從厚、今沒入其業於理安乎、建陽朱文公所居之鄉、學校教化所出之地、諸友平日講明義利之辨、取舍必不苟、理所不可、雖千鍾

若將免焉、壹拾伍石之徵於續食何補而忍犯不韙乎、此特官  
司貪徇美名、有以誘之耳、榜縣學前、仰周起宗前來本司供  
立嗣人名、以憑給據、帖縣日下撥田還本人、責令管業、阿張係  
出嫁妾、不合妾以主家田獻入官、勘杖六十、照赦免斷、餘照擬  
行

利其田產、自為尊長、欲以親孫為人後、李文溪

吳子順死、其子吳昇又死、獨子順妻阿張在、留得自隨、查田十  
餘畝、暮年疾憂交作、既無夫可從、又無子可從而歸、老於張氏  
已可哀矣、其生也未聞有吳氏能哀而扶持之者、及其既病且

死也則有利其夢小田業者矣是重可哀也有吳辰者於去年二月入詞訟張氏二姪盜收田契田苗前官包知縣所判已照破其奸計矣及張氏之死吳辰又欲以其孫鎮老強為吳昇之後觀其執到除附文字求其所謂族長保明者乃吳子大也子太郎吳辰也鎮老乃君文之子君文乃子大之子烏有自為尊長而親孫為人後之理何其不避嫌也張氏縱有疾病豈有二月內方與吳辰鼓訟六月內即以其孫為後雖三尺之童尚不可欺也此不謂之利其田產而何及追到吳氏親房尊長等至供證則云所餘田是張氏自隨田非吳氏之產也又謂吳君



文假作張氏詞於權官處陳乞給據其不義之俗有如此者今  
張氏吳昇兩喪俱未葬合從吳君至所陳於張氏自隨田內量  
所費撥賣以了兩喪官司給簿收支葬畢於族中從衆選立一  
人承祀却撥餘田與之吳君文一家不得干預庶幾死者瞑目  
公論允協吳君文勘杖八十封案再詞折斷餘放仍申提舉司  
所有權官願脫給公據毀抹附案

嫂訟其叔用意立繼奪業鄧運管擬姚立齋判

甌寧縣寡婦張氏論叔范遇申立繼奪業事看詳諸處斷由見  
得范通一有子四人長曰熙甫次二曰子敬即監稅次三曰遇

即達甫次四曰述即善甫熙甫已娶妻生子未幾夫妻與子俱亡以理言之當為立繼在法立繼由族長為其皆無親人也若父母存當由父母之命當熙甫死時其父母俱存皆無立繼之意非不愛其子也蓋謂墓爾田業分與見存三子則其力均立一孫為熙甫後則一房獨分之業已割其半矣割其一半使二子分受一則三子中立有厚薄之分此通一之本意也故寧均與三子而以熙甫私置之田為祭嘗田使三房輪收以奉其祭祀三房之子皆其猶子雖不立嗣而祭祀不絕矣故紹定二年十月立砧墓簿簿首言長男熙甫既亡不願分產其存日將妻

然查置到田業等撥充賑嘗簿係係通一母陳氏着押兄弟同  
簽是有父命明矣、硃基文書皆已印押訖、熙甫死已一十五年、  
而春秋祭祀無缺者、以所立范熙甫十五年、承嘗田在故也、為  
三子者、遵父之命、輪年時祀、則范氏之鬼不餒矣、夫何范過者、  
獨於父母亡、分業八年之後、兄子敬亦亡、遂抑逼其弟善甫、姪  
餘慶、僉押立繼文字、以已子文孫為熙甫後、此豈誠念其兄之  
未立後哉、不過欲奪其一兄一弟已分之業爾、提舉司判送縣  
結絕申上、謂若立文孫則已分之業、又釐而為四、一則不出父  
母之命、二則難以強兄弟之從、辭理明甚、余應忽畧不看、乃謂

無父母之命、今照范善甫詔餘慶等約、以文孫為熙甫後、謂恐  
嘗田不以與文孫、恐違背父母之夙意、則割削兄弟之產、以與  
文孫、獨不傷父母之本意乎、此於理不通、特眩惑於繼絕之美  
名耳、今參考斷由、范遇係曾經徒斷之人、不孝於其父母、與不  
敬於其姊姊與兄、又不交其弟、每操刀趕殺、持杖毆打、傍人救者、  
至遭其折齒、又其甚者、乘其兄子敬之死、突入其室、將嫂拖打、  
趕散工作人、不許入殮、勒取錢三百貫、米數百石、又抑逼其弟  
與姪、為此私約於嫂張氏既論之後、旋計會縣吏印押除附公  
據、又經承廳改正戶帳、此文約不正、何可照用、况其用意甚惡、

愈願合用誅心之法、逼脅而盟、謂之要盟、要盟與釐正則可、乃謂既已墮其計中、雖悔何及、客姦若此、則弱之肉、強之食、人之類不能自立於天地之間矣、愚見謂熙甫既有祿嘗田、自不乏祀、若於產業已分之後、驟立一人為嗣、則從前父母所立硃基文書皆不足為據、必將盡取田業分過八年之久、田業豈無變易、一兄一弟、豈肯偃首聽從割產以畀文孫、必將擾亂一家、愈增仇怨、詞訴紛然、何由了絕、非惟遂兇人吞併之謀、抑且無益死者、反有害於生者矣、不若各照硃基支文管業、追毀文約、公據庶幾一家得以安跡、如必欲立繼、則范遇設計吞併其子文

孫亦不當立欲帖縣照應奉都運檢詳姚立齋判照所擬行欲立繼難動其已承之業只當就系嘗田內於無礙房分中推立范遇既如此兇暴用意吞謀其子却不可立帖縣照應

父子俱亡立孫為後

建倉

絕家命繼有一舉而兩得者謂如父子俱亡無人承紹香火不必為父命繼而立孫則父之香火在其中矣王聖與有子二人長怡次蜀皆不幸早世於是立廣聞之子惠孫為怡之後立廣祚之子衡孫為蜀之後適不幸王廣聞之長子淵道俱死其惠孫只得歸所生父家承紹王廣聞之業而王怡之香火絕矣雖

然惠孫雖去、衡孫尚存、是蜀有後而怡無後、蜀之香火不絕、則  
聖與之香火亦不絕、但可惜王怡為不祀之鬼、仰族長王聖沐  
經本司陳乞照條擇昭穆相當人為王怡命繼、義當然也、本司  
遂與行下通判廳指定、尋據申到、因依見得惠孫雖歸所生父  
家、尚欲包占王怡一位絕業、此聖沐所以有詞、兼王齊翼即聖  
與之父、同男聖與、婦余氏在日、曾於嘉定十三年、經縣陳稱不  
欲立廣漢為聖與之嗣、廣漢即聖與之堂姪遂立堂姪王廣聞之子惠  
孫為男王怡之嗣、今來惠孫既已歸宗、只得就本宗內選一昭  
穆相當人繼承王怡香火、其理甚明白、本司遂與行下本縣續

族中喚到王家族長王聖泰等契勘只有王廣炳次子淵海方  
三歲喚王怡係是叔行此外別無可繼之人本司再下契勘如  
果指實即與立繼訖申蓋欲更加詳審耳今却據族長評議已  
立淵海繼王怡外更欲立王廣漢為聖與之後究其所以乃謂  
余氏在日有此遺囑殆與前此通判所申王齊翼父子并余氏  
不欲立廣漢之說背馳設果有遺囑便合經官印押執出為照  
不應直待王怡命繼後方齎出遺囑撓立為族長者又附會而  
為雙立之說此不過又生一秦相與破蕩王怡物業於理委是  
難行只合行下本縣廳立淵海為王怡後怡之香火不絕則聖



與之香火亦不絕所謂一舉兩得是也奉提舉徐戶部官講台  
判行

所立又亡再立親房之子

建倉

照得王廣漢所爭立繼事以本條論之王怡不在只合於近親  
中擇昭穆相當人與之繼後王廣漢從兄弟也使其是特已有  
兩子則以近親而言固不當舍其子而立遠族只緣此時王廣  
漢次子未生族人以王怡不可絕嗣同共商議立王廣炳之三  
歲子淵海其淵海雖是遠族昭穆既順諸房則未有子所以皆  
無可爭獨王廣漢者一時不忍以其祖業分與遠房遂經官陳

詔執出遺囑以爲王怡之母曾立爲嗣欲與淵海雙立乃爲叔  
孫官司以其遺囑未甚正當方此尼而不行豈料淵海得立未  
幾忽爾身故當是時王廣漢亦既有次子官司立爲王怡後族  
人夫誰得而爭也縣道有失契勘乃又立王奇爲淵海子夫以  
三歲幼亡子違法越次與之立嗣安能弭爭者之詞其王廣漢  
爭訴在官尚未予決而所立王奇又爾不在豈亦造物不欲以  
王朝散之業使外房計較而得必有所待而後與邪王廣漢之  
子王椿旣是王朝散直下子孫立爲王怡後名正言順昭穆相  
當考之本條皆無一毫可疵但其間有聖沐者號稱族長握繼

立之權專事教唆賈弄前後詞訴此人必入名於其中惟知鼓  
煽族人起爭以爲一己邀求之利全不念族人敗家失業皆職  
此妾與詞訴之由近王聖沐又經本司陳告欲再與王淵海立  
子况向者與三歲幼亡子立孫官司有失契勘至今悉訴不已  
今若再蹈前非則是復墮王聖沐之姦計也欲帖縣照條從公  
以廣漢次子王椿爲王怡後除附給據其聖沐與王怡王廣漢  
既服屬疎遠且爲人不公不當干預仍告示王聖沐如再有詞  
定斷以健訟紊煩之罪限三日具申奉提舉徐戶部台判所擬  
甚當從行

命繼與立繼不同

擬筆

命繼有正條在有司惟知守法而族屬則參之以情必情法兩盡然後存亡各得其所江齊戴無子論來昭穆相當則江淵之子名瑞者可繼之而族黨之訴則謂江淵嘗以子繼齊孟美不能盡為人後者之責故欲以江超之孫名禧者繼齊戴今契勘禧乃超之子非孫也非孫則昭穆不順有司雖欲從之不可得也無已則別擇他派按江氏宗圖自仲任而下分爲三枝其應億周彥二派之下各五傳而止惟元偉一派至八傳如此則惟有元偉派下第八傳諸孫可以繼齊戴耳八傳諸孫不惟江瑞

一人爲可繼、但詞訴紛紛、既失族黨之意、官司若遽然令其繼之、恐無以得衆心、或生後詞、是繼之者、乃所以累之也、當職再三審處、必欲使情法之兩盡、然猶慮族黨之論、未能盡公而校派所盡、或有所隱、不可遽憑以定斷者、竊見江淵、江齊、戴二人者、皆集撰侍郎游公之婿、今爭立人、江瑞正侍郎之外孫、當立不當立、可立與不可立、只當取正於侍郎、蓋侍郎碩德雅望、必能爲息族黨之紛訴、公心正理、必能照破族黨之私情、一語可決、庶幾情法兩盡、而可全其族黨之義、顧不美歟、帖本縣請親詣侍郎宅稟白上項曲折、仍與其族長折衷定爲一說、回申、本

府却與從公照條施行一行人併送縣照已判

再判

照得江瑞江禧爭繼江齊戴之後昨來使府台判已詳且盡矣  
所以帖縣稟白游侍郎合其族黨求折衷而爲一說者蓋欲情  
法之兩盡今本縣繳申侍郎之回劄族長之陳詞其說猶未一  
準台判察推擬呈竊謂立繼命繼皆有條令撰之於法江禧之  
繼昭穆不順誠不當立其可立者江瑞而已然察之衆情侍郎  
爲江淵江齊戴之外舅方本平江淵之所爲而不願與其爭江  
劉員乃齊戴之親兄方歷舉江淵之過而不願立其子蓋自可

見矣况東老一位三子長劉員次齊孟次齊戴向者齊孟死而無後江淵嘗以一子繼之夫不能盡爲人後之責致爲其母三氏所訴今齊戴之嗣弗續江淵又欲以子繼之如此則其位下三房物業江淵者得其二此族黨之所以必爭而詞訴之所以紛紛也再三紬繹欲念情欲息訟必當酌其法之中者而行之斯可矣江瑞之立當以命繼論不當以立繼論檢限亭照指揮內臣僚奏請謂案祖宗之法立繼者謂夫亡妻在其絕則其立也當從其妻命繼者謂夫妻俱亡則其命也當推近親尊長立繼者與子承父分法同當盡舉其產以與命繼者於諸無在室

歸宗諸女止得家財三分之一又准戶令諸已絕之家立繼絕  
子孫謂近親尊長命繼於絕家財產者若止有在室諸女即以

全戶四分之一給之若又有歸宗諸女給五分之一止有歸宗  
諸女依戶絕法給外即以其餘減半給之餘沒官止有出嫁諸  
女者即以全戶三分爲率以二分與出嫁諸女均給餘一分沒  
官法令昭然有如日星此州縣之所當奉行者今欲照上條帖  
縣委官將江齊戴見在應干田地屋業浮財等物從公檢校抄  
割作三分均分將一分命江瑞以繼齊戴後奉承祭祀官司再  
爲檢校置立簿曆擇族長主其出入官爲稽考候出幼日給江



淵不得干預將一分付與諸女法撥爲義莊以贍宗族之孤寡  
貧困者仍擇族長主其收支官爲考覈餘一分沒官庶幾覲覲  
之望塞爭競之心息人情法理兩得其平而詞訴亦可絕矣區  
區愚見如此判府大卿台判施行帖委建陽縣尉從公檢校申  
限十日察推再擬照得上件事爭訴日久今若委縣尉檢校或  
有差出恐致拖延又惹詞訴欲就府委官一員前去喚上江宅  
幹人取索貼基祖簿集本族尊長從公點對從條檢校徑行均  
作三分就縣廳同所委官及房長攤拈開具供申照縣十日其  
餘浮財什物一併檢校均分毋令偏曲奉判府台判委合同

治命不可動搖

人境

竊聞事合於權不必繩之以正情本乎私未易文之以公今吳崇之與吳元寶送爲詞首而爲吳坦申訴繼後事雖謂之義舉可也然拖照案相得見吳鍾之立爲吳坦之子吳深之立爲吳坦之孫皆出於祖父母父母之治命由子及孫第第相承已見於再世矣一旦復使之掣執不安可乎譬如附橘於柚續梨以杏辛而脉理堅凝氣勢聯屬方津津然喜有生意或者過慮其種性之駁旦旦而伐之豈惟枝葉受害而本根且隨仆焉此正吳崇今日之舉也設使吳崇真有意於愛念骨肉當伯父吳元

佐議立之初、自合從事於幾諫、胡爲不於彼時曲盡忠款、及至吳鍾兄弟折力之日、又同伯吳元寶聯名知押、今吳鍾立繼已經三十餘年、遽興詞訴、與昨來知押關書之意、大段矛盾、豈能厭服公論也哉、當職顧爲之深思熟惟、方吳坦與其父吳元佐之議立也、想其環視本宗、無人可立、不得已取諸其妻家之裔、亦曰關於九族之一、庶幾親親以睦、而相依以生、其較諸絕無瓜葛者、良有間矣、況人之無子、而至於立繼、不過願其保全家業、而使祖宗之享祀不惑焉耳、今契勘吳鍾與吳彥恭分析吳元佐戶下產錢每房計一貫四百有零、見今吳元彥共僅得四

百文有零而吳鏗力下增至二貫八百有零勘驗至此果何負  
於乃祖乃父議立之初意見則吳鏗之繼立也雖出於一時之  
權要亦不害其爲正既又與之聚稽族譜吳崇之祖吳坦乃其  
堂弟也以堂弟之親而與歿故堂兄議及後事其誰曰不可然  
初詞欲以已之子錡立繼於吳坦嗣事已定之餘知縣陳宣教  
窺見其私亦既不直之矣今復欲以投房之子立繼於吳坦之  
男吳鎮之後未爲不公然亦安知非以已私之不遂姑託公以  
自文而重爲曾氏困乎緣曾氏之於吳鎮乃其親生之子也豈  
有其子早世母氏忍使之無繼者今據曾氏所供昨已將第三

孫男岩護繼之吳鎮此外更不願他立自從其夫吳坦下世每  
事皆係曾氏處分則議立吳鎮亦須聽從其願他人何預焉况  
吳鎮力下產錢甫及三千見有孫男三人孫女一人皆已長成  
將來婚娶亦非細故正使官司曲從吳崇之請更立一人目今  
人情不美如此和氣有虧焉能保其家道之昌乎竊念曾氏年  
華已晚所立孫男岩護官司直與除附以爲善後之計不然他  
日詞訟復興吳坦之業難保回思今日吳崇倡爲繼祀之舉亦  
直美談尔初何補於本宗也哉區區管見如此仍錄吳崇所具  
家譜運粘在前備申使府乞賜裁酌施行見到人各押下看家

知管廳候指揮

照得人家立繼固有出於祖父母父母之治命而昭穆相當法  
意無疑雖官司亦不察加毫末其間然或有弱於私愛而輕變  
初心遂成兩立訟隙既開馴至破蕩家計在官司又安得不主  
盟公論而與之區畫也哉今據江慶安與其弟荒管爭論命繼  
事當職按照前案得見阿游與夫汪球共生五子如旦如珪如  
璋如松如玉汪球身故之後其長男如旦亦早世妻阿周奉阿  
姑游氏之命及其夫如旦存日遺囑將如珪之子慶安與如旦  
爲嗣其文字內諸子皆有知押而幼男如玉實預焉既又經官

除附給據付慶安收執凡經十有餘載至嘉定九年阿游聽信其幼男如玉之言入伏乞以其次子堯寔再與如旦立後是故慶安有詞前政陳奉議爲見阿游不曾出官前後詞狀皆非親筆所立堯寔必非己意遂照阿周與其阿姑游氏元初關約只令慶安立繼如旦之後亦可謂公當矣其汪如玉不伏却用其九歲男堯寔名字經使府審論今契勘阿游再立堯寔遺囑止謂慶安患病恐將來不能承奉如旦香火至嘉定九年三月狀則謂慶安顛倒酒賭博不治生業嘉定十年七月內狀又謂慶安兇狠不肖咆哮尊長得非汪如玉嫌其不從兩立之議遂旋生

校節以羅織之乎及追到阿游取問雖據供吐願立荒責然其  
年已老耄心無主宰每一出官汪如玉常尾其後及又契勘汪  
如玉位下亦生五子分析之後家業有退無進想必是居家之  
日朝夕哀鳴其母而乞曰爲人之母者多是私愛幼子況又親  
目其幼子如玉累重如此其家計又如此遂聽其爲兩立之謀  
而不暇計其訟隙之所從生也然慶安荒責蓋均之阿游之前  
孫阿游但願慶安當來命繼如且位下止有生穀田二十一石  
續後就所生父如玉借錢贖回如且存日所與生穀田一十七  
石今來阿游兩立之意既是堅決不回則慶安原佃生穀田二



十一石與充實均分管佃所是自備錢取贖生穀田一十七石不當在均分之數如此則庶幾有公論詞訴可絕其慶安自此以後亦當承順祖母阿游不得緣此輒生怨望這決不怨今備申使府各人着家知管聽候指揮

力絕

夫亡而有養子不得謂之力絕

葉憲

阿甘見在雖招到接脚夫而有三歲以下收養之子非力絕分明帖縣將所籍之物給還阿甘子母牒提舉司照會續又據寧都縣申具到因依奉台判據本縣當來所申丁昌在日已恭得

三歲以下之子然則丁昌原非絕戶朱先之告妄耳林知縣既  
明知之乃復繩之以不除附之法彼村人安識除附爲何事今  
詳林知縣亦未識此二字之義也此謂人家養同宗子兩戶各  
有人戶甲戶無子養乙戶之子以爲子則除乙戶子名籍而附  
之於甲戶所以謂之除附彼侯匹貧民未必有戶兼收養異姓  
三歲以下法明許之即從其姓初不問所從來何除附之有若  
只謂丁昌養子令申官附籍則可耳然法亦有雖不除附官司  
勘驗得實依除附法之文林知縣亦不照應便將丁昌作戶絕  
拘沒其業而彭  
兒之懷以資告訐無賴之輩於缺  
前謂

阿甘已召接脚夫不應復爲前夫抱子便欲籍沒其業則尤未  
安婦人無所依倚養子以贖前夫之嗣而以身托於後夫此亦  
在可念之域在法初無禁絕之明文縱使此子不當養阿甘係  
召接脚夫亦有權給之條未當拘沒也按戶令家婦無子孫并  
同居無有分親召接脚夫者前夫田宅經官籍記訖權給計直  
不得過五千貫其婦人願歸後夫家及身死者方依戶絕法據  
丁昌之業所直不過三百餘貫其合給阿甘明甚朱允無賴伺  
人子幼家危之際妄告戶絕官司惟徵利是嗜不顧義理不照  
法令便從而沒奪之幾於上下交征矣本司所斷係據理據法

兼在提舉司結絕之後翻訴施行自有次第本縣不依本司後  
斷乃輒將 舉行 缺 混亂妄申承行人勘校八十再帖仰  
將丁昌物業一文以上並照條給還阿甘管領狀照申朱先  
等本合坐罪經赦免其已納買業價錢二百十四貫有零未交  
是何據官司妄行交收告示朱先徑自賣鈔前去請領其元給  
公據責本縣吏人監索解來毀抹附案仍給斷由附阿甘收執  
牒提舉司本州各照會

歸宗

子隨母嫁而歸宗

蔡父軒

提舉所擬已得其情、黃范文正公隨母嫁朱家、冒姓朱氏、既長、知其家世、泣而去之、終身不忘朱家之恩、前賢所爲、昭昭可法、舒常容後妻傅氏帶來之子、冒姓舒氏、雖是礙法、然近二十年、長幼無間言、似有古人忠厚之風、今世未易有此、但薛龍孫等、於其義父舒常身死之後、却宜自歸本宗、而爲傅氏者、亦宜以義遣之、今乃盤旋不去、宜乎舒氏之族人不能平也、婦人何所知識、但見其帶來之子、冒姓命名、已歷年久、將謂可分舒氏之業、而薛龍孫年長、主張家事、舒氏親子及拱手聽命、天下安有是理哉、此舒希說等之訟所由起也、舒常親子舒思義、已自長

成觀其狀詞知母親之當愛而謂舒希範等之侵擾其家亦是  
有親識之人正不待薛龍孫代之幹撫仰薛龍孫龍弟各自歸  
奉薛氏之祀不得更有姓舒氏及干預舒氏家事傅氏亦宜以  
至公爲心留意俯育三子不得更引着薛龍孫等薛氏二子既  
各歸姓則舒希說馮景揚之訟自此當息如更強聒則是有意  
欺騙孤寡則當議罪馮景揚爲人之境不能調停寧其要以訟  
其母多是謀利此豈真有爲舒氏之心哉愈廳所擬分爲三分  
之說不知法意如何別呈各人責遵從狀入官訖並放續愈廳  
官擬再呈奉台判只依標撥法

出繼不肖官勒歸宗

翁浩堂

盧公達爲侍郎之孫不幸無子遂養同姓人盧君用之子應申爲子又不幸不肖挾侍郎之陰生事鄉鄰背所養從所生犯賊犯盜蒙本州將應申決脊杖編管撫州此尚可以繼侍郎之後而奉其香火乎既不可爲侍郎後則尚得名爲盧公達之子乎父之所以生子者爲其生能養已死能葬已也今問盧應申則稱與乃父公達各居異食是生不能養之矣公達死後義子陳日宣經縣投詞稱應申不出錢營葬生既不能養死又不肯葬父子之道固如是乎人倫天理至此滅矣今據盧庶吉陳日宣

各執出公達生前遺囑乃應申未犯罪之前今年六月七月遺囑及狀互相反覆皆是公達臨終亂命不可憑信今但以大義裁之則應申既同所生父君用受刑則決不可玷辱衣冠況生不養公達死不葬公達委難爲子引勒盧應申仍舊歸宗爲君用之子公達產薄當廳給付房長盧景俞等從公擇本宗昭穆相當人立爲公達之後仍監檢索侍郎誥勅與之主掌應申手內賣過田業用過錢物並免根問陳日宣自係外姓人隨母嫁于公達所有公達戶下物業日宣不得干預惹詞申州提舉司照會



衣冠之後賣子於非類歸宗後責房長收養翁浩堂

父子人倫之大父老而子不能事則其罪在子子幼而父不能養則其責在父劉程爲衡州知郡孫有男元老幼不撫養而賣與鄉民鄭七棄衣冠而服田畝情亦可憐此猶可諉也曰劉程一時爲貧之故已而元老不安於鄭七家逃歸本父劉程固宜復回天理自子其子矣乃復以元老賣與程十乙則其意安在哉可謂敗人倫滅天理之已甚者今鄭七入詞欲取回元老於已去三年後此決無復合之理元老官裔鄭七農夫非我族類其心必異不應更來識認劉程兩將元老賣弄爲父不父本合

勘杖且與從蔭決小杖二十、元老牒押往族長劉萬二宣教宅、  
聽從收養、觀此子情貌姦狡、兼所習已乖、請萬二宣教嚴與鈴  
束、庶免墮落、下流爲衣冠之玷、亦一美事、

### 分析

女婿不應中分妻家財產

劉後村

在法父母已亡、兒女分產、未合得男之半、遺腹之男亦男也、周  
丙身後財產合作二分、遺腹子得二分、細乙娘得一分、如此分  
析、方合法意、李應龍爲人之婿、妻家見有孤子、更不顧條法、不  
恤幼孤、輒將妻父膏腴田產、與其族人妄作妻父妻母標撥、天

下豈有女壻中分妻家財產之理哉縣尉所引張乖崖三分與壻故事即見行條令女得男之半之意也帖委東尉索上周丙戶下一宗田園干照并淨財帳目將曉腹好惡匹配作三分喚上合分人當廳拈閤僉廳先索應龍一宗違法干照毀抹附案母在不應以親生子與抱養子析產

陳文卿妻吳氏昨來抱養陳厚爲子繼而親生二子陳謙陳寅是也吳氏夫婦若賢則於有子之後政當調護均一使三子雍睦無間言可也無故自以產業析而三之文卿既死之後吳氏又以未分之業析之陳厚自鬻已產固爲不是然使吳氏初無

偏私之意。果即分開產業。至今同爨而食。母爲之主。則陳厚雖欲出賣而無從。陳譙陳寅。挾母以治其兄。至謂陳厚毆母於狀內。稱於十月二十九日。陳狀判執者。此特譙寅買填印白紙。添訟本而已。不然。二十九日之狀。簿何以獨無吳氏之名。準法父母在不許別籍異財者。正欲均其貧富。養其孝弟而已。今觀吳氏子母違法析產。以與陳厚者。是欲蹙之使貧也。昔姜氏惡莊公。愛叔段。東萊呂氏云。愛惡二子。乃是事因。今吳氏愛惡。何以異此。幸今吳氏子母因陳厚論收詭力。稍肯就和。此當職之所深願也。喚上陳厚當廳先拜謝其母。陳譙陳寅次拜謝其兄。

喚鄉司剷除陳厚陳謙陳寅三戶之外其范從政陳慶龍陳  
兒陳堪下黃庚三姐陳文卿等五戶物業併歸陳文卿一戶而  
使吳氏掌之同居共爨遂爲子母兄弟如初他時吳氏考終之  
後從條只將陳文卿一戶分與三子陳厚不得再分陳謙陳寅  
兩戶物業以其已經分析五戶自行賣盡故也若以法意言之  
謙寅兩戶亦合歸併但陳厚既已自賣其所受之產不欲歸併  
以遂陳厚重疊分業之科此又屈公法而徇人情耳仍給據與  
謙寅爲照陳厚者歸與妻子改節以事其親篤友以諧其弟自  
此以後無乖爭凌犯之習以厚里閭允令之所望也仍申

檢校

檢校發幼財產

吳兩巖

方天祿死而無子、妻方十八而孀居、未必能守志、但未去一日、則可以一日承夫之分、朝嫁則暮義絕矣、妻雖得以承夫分、然非王恩誠所得干預、子固當立、夫亡從妻、方天福之子、既是單丁、亦不應立、若以方天福之子爲子、則天祿之業併歸天福位下、與絕支均矣、先貴王恩誠不得干預、狀爲從不應爲、杖斷仍將天福押下縣、喚上族長從公將方千戶下物業均分爲二、其合歸天祿位下者、官爲置籍、仍擇本宗昭穆相當者立爲天祿

後妻在者本不待檢校但事有經權十八孀婦既無固志加以  
王思誠從旁垂涎不檢校不可請本縣詳判區處訖申

侵用已檢校財產論如擅支朝廷封樁物法 胡石壁

湖湘之民率多好訟邵陽雖僻且陋而珥筆之風亦不少然自  
當職到官以來每事以理開曉以法處斷凡素稱險健者率皆  
屈服退聽未嘗有至再訟者獨曾仕珍父子狠戾頑嚚犯義犯  
刑恬不知畏本府未及結斷而遽經漕司漕司方爲索案而又  
經帥司帥司方爲行下而又經憲司使其果抱屈抑亦須候逐  
處官司施行了當方可次第經陳豈有首尾不及兩月而徧經

諸司若何況本府之所處斷未嘗敢容一毫私意已見皆是據  
據令條又其越獄之罪已從寬恕不復窮究亦可謂曲盡矣而  
小人畧不伏辜恃其能訟輒敢求勝不已使其訟於諸司者曰  
本府斷獄不當猶云可也今乃一則曰禁死其父再則曰禁死  
其父曾不思圜圉之中有官有吏有同禁之人若或死於非命  
十日所視十手所指何可誣也況其逃竄之後其親戚鄰里有  
見之者藏之者案牘可考而知其人可追而問此又何可誣也  
而曾元牧乃敢妄爲此言以誣罔臺閫以誣潁州郡觀此一疏  
即其平日罪惡信有如鄉鄰之所云姪女之所訟者矣此一段



事既在憲臺本府當實之於不問但準勅輒支用已檢校財產  
者論如擅支朝廷對椿錢物法徒三年又律詐爲官司文書及  
增減者杖一百今曾元牧擅支已檢校錢六百餘貫銀盞二十  
隻又措改朱契六道其視法禁何有哉若不照條科斷則聞者  
將謂本府亦謂其所恃莫敢致詰自此姦民皆將是則是倣矣  
詎可不以柱後惠文彈治之乎二事俱發以重者論曾元牧決  
脊杖十五其曾士殊一分家業照條合以一半給曾二姑今金  
廳及推官所擬乃止給三分之一殊未合法大使司判內明言  
與詞雖在已嫁之後而力絕則在未嫁之先如此則合用在室

女依子承父分法給半、夫復何說、餘一半、本合沒官、當職素不喜行此等事、似若有所利而爲之者、姑聽仕珍仕亮兩位均分外、仕殊私房置到物業、合照戶絕法、盡給曾二姑、限三日對定、照已判、專人解推、吏併詞人抱案赴提刑司、

檢校聞通判財產爲其姪謀奪

聞通判平生清苦、自立鄉曲所共知之、今不幸歿於官、所其家惟一婦一孫、惇惇孺幼、孤影悽然、過者見之、猶爲不忍、矧如同氣之至愛、猶子之至情乎、扶持之保護之、以慰泉下之望、此實天下之大義也、今乃幸其人之云亡、睥睨歸橐之物、眈眈然惟

恐謀奪之不亟、且其家貲產素微、所餘俸給、一入豺虎之吻、死者何以葬、生者何以養、有如目今所失一箱物、委官驗之初、無外賊來蹤、非一家人之謀、而誰爲之乎、舐糠及米、勢所必至、辨之不早、禍必燎原、見委察推躬親屈致季知縣王宗教潘縣尉湯將仕集會其家、點對原檢校數目、嚴與封椿、將來備襄事支遣之外、以其餘金悉爲買田、活其孤幼、如見留日用婢僕之類、亦合量爲支給、其他蠶食于旁、一切屏去之、毋以姑息爲事、一死一生、乃見交情、季知縣諸寓公疇昔風誼之厚、諒著且評、必能相與協心經紀、而保全之煩、察推更爲轉致此意、貴州家之

公禱也切幸介注

孤幼

同業則當同財

蔡父軒

但觀鄰證單狀李春六居大瓦屋而牛畜多阿鄭阿陳牛厓居小茅屋並無一物以此便見大段不均縱往年已分析而牛厓一分實未均其利春五春六當念牛厓乃同祖之親既已同業必當同財帖縣尉同曹隅官照單狀所載將三家物力除田產之外應係米穀孳生之類並混作三分內牛厓一分分明具單入官責阿陳收掌撫育所契照就李春五兄弟索出封寄縣庫

給據與照候出幼日給還各責狀申

鼓誘卑幼取財

黎定夫等六名利孫某之幼教其私輒將田業就張上舍宋通判宅倚生錢共一百二十貫足非所使用內黎定夫等三名解受孫某錢會係欺詐取財從盜論黎定夫賊滿三十貫八百合配本州夏某賊滿一十五貫二百合徒二年劉庚四賊五貫五百文合徒一年半餘涂教誘卑幼非理費用財產合杖一百編管鄰州李案受孫某寄錢共官會五百二十貫據孫某及其母阿揚所供並係李案留此錢欲為鬻舉以事體稍重未欲盡情根

突蕭子章只就李案名下借錢已還尚可聞畧孫某有母在而  
私以田業倚當亦合照瞞昧從杖一百劉順爲牙保亦當同罪  
雖犯在赦前然黎定夫等詐欺得財陪陟卑幼以破壞人家產  
殘害人家子弟豈容罰不傷其毫毛案備所供申使府取自施  
行蕭子章放餘名各知在聽候

監還熟賣攫取財物

曹順受恩於張僉判即非一日今乃乘其夫婦踵逝孤幼可欺  
隨行錢物悉從而奪之一死一生情具可見况張僉判之家生  
理素窘族殯未歸未卜歸藏之所累然諸款誰其依怙行道之

人罔不懷恤况於數十年相與之舊賓乎士行至此掃地盡其  
且監還所認錢五百九十五貫衣物九號交還張宅收領但張  
僉判夫婦之殯皆未有所歸自合追還曹順之錢責付其家先  
爲營葬之計二孤不能任大事之責非得其本族尊長與夫親  
故中疇昔尚義之士爲之主盟何以克濟王宗教誼氣素高鄉  
曲起敬父夫聞此當能出力爲之扶持牒請宗教亟爲圖之

叔父謀吞併幼姪財產

胡石壁

李文致最爾童稚怙恃俱亡行道之人所共憐憫李細二十三  
爲其叔父非特恩無矜卹之心又且肆其吞噬之志以已之子

爲兄之子據其田業毀其室廬服食器用之資雞豚狗彘之畜毫髮絲粟莫不奪而有之遂使兄嫂之喪暴露不得葬孤遺之姪逃遁而無所歸其滅絕天理亦甚矣縱使其子果是兄嫂生前所養則在法所養子孫破蕩家產不能侍養實有顯過官司審驗得實即聽遣還今其不孝不友如此其過豈止於破蕩家產與不侍養而已在官司亦當斷之以義遣逐歸宗况初來既無本屬申牒除附之可憑而官司勘驗其父子前後之詞反覆不一又有如主簿之所申者上則罔冒官司下則欺雪孤幼其罪已不可逃而又敢恃其强悍結集仇黨恐嚇於主簿體究之



時劫奪於巡檢拘收之後、捍拒於弓手追捕之際、出租賦奉期約之民、當如是乎、若不痛懲、何以詰暴、準勅諸身死有財產者、男女孤幼、兩著隣人不申官抄籍者杖八十、因致侵欺、規隱者加二等、兩隣不申、尚且如此、况叔姪乎、因致侵欺、尚且如此、况吞併乎、又勅諸路州縣官而咆哮凌忽者杖一百、凌忽尚且如此、况奪囚乎、又律諸鬪以兵刃斫射人不著者杖一百、斫射平人尚且如此、况拒州縣所使者乎、合是數罪、委難末減、但子聽於父者也、李少二十一、豈知子從父令之爲非、孝原情定罪、李細二十三、爲重、李少二十一爲輕、李細二十三決脊杖十五、編

管五百里李少二十一勘校一百押歸本生父家仍枷項監還  
所奪去李文孜財物契書等李文孜年尚幼若使歸鄉必不  
能自立於群兒之中而劉宗漢又是外人亦難責以託孤之任  
此事頗費區處當職昨喚李文孜至案前問其家事應對粗有  
倫敘雖曰有以授之然以見其冒中非頑冥弗靈者合送府學  
委請一老成士友俾之隨分教導併視其衣服飲食加意以長  
育之其一戶產業並從官司檢校逐年租課府學錢糧官與之  
拘權以充束修服食之費有餘則附籍收管候成丁日給還

女承分

處分孤遺田產

范西堂

照對解汝霖因虜入寇夫婦俱亡全家被虜越及數年始有幼女七姑女孫秀娘回歸其姪解勲撫于其家主營生業可謂能厚睦族之義任恤孤之責余榮祖連年入狀告論力絕謂是解勲掩有入己乞行籍沒歸官前政已畧施行拘納租課使之入錢數踰千緡繼而七姑秀娘回歸乃與免行拘籍仍付解勲主管而余榮祖至今猶未絕詞當元州府徒欲拘收花利其後解勲又欲視爲己業區處失當不能絕詞展轉十年適滋吏姦既有二女法當承分官司拘錢已犯不贖責付族人又因爲利詞

訴符至此實有以起之汝霖家業歲收主分租穀大約不下二  
百石不爲不厚解勸以已任之既無收支簿書又不主盟姻議  
惟立繼絕之子一人曰伴哥以承汝霖之業雖云絕家尊長許  
令命繼異姓非三歲以下亦姑勿論然挾一幼子而占據乃叔  
田產二女在室各無處分安能免議解汝霖既無親子合作戶  
絕施行隄法諸已絕之家而立繼絕子孫謂近親尊長命繼者  
於絕家財產若只有在室諸女即以全戶四分之一給之若又  
有歸宗諸女之一其在室并歸宗女即以所得四分依戶絕法  
給之止有歸宗諸女依戶絕法給外即以其餘減半給之餘沒

官止有出嫁諸女者即以全戶三分爲率以二分與出嫁女均給一分沒官若無在室歸宗出嫁諸女以全戶三分給一並至三千貫止卽及二萬貫增給二千貫今解汝霖只有幼女孫女並係在室照戶絕法均分各不在三千貫以上伴哥繼絕合給四分之一其餘三分均與二室女爲業七姑雖本姓解汝霖生前自行收養與親女同今年二十有五未諧親議儻更二十五年而後嫁豈無墓木已拱之歎乃兄撫存其意安在况秀娘往年被擄遺棄九場襄陽將官王璋收拾歸家撫養如已子更歷八年解懃始因祭祖之訟無可憑籍前往理取原其本意取之

不過爲占田計耳。儻榮祖之訟不興，汝霖之業可據。秀娘必聽爲襄陽之人，俾正丘首。夫豈暇謀。拖照回文，秀娘原在王氏之家，係存留爲次子婦。此意本善，解勲當官責領，亦謂權暫取回，承認田產，不敢有負親盟。今留秀娘于家，誠可以爲占田之策。而王氏親約，乃不復顧。且當時在難，非遇王璋，久入鬼錄，既得生還，乃敢忘義。九原可作，度祖父之意，決不肯違。昔王璋欲爲兒婦，初非圖其厚資。今秀娘既承女分，正宜因以報德。解勲無知，自謀甚厚而薄，以處人終訟之招，不爲無自。當廳將汝霖田產照條均分，置關三本，一付伴哥，聽從解勲之命，使之繼絕。

付七姑召人議姻一付秀娘收執爲業牒縣尉打量均作四分  
申上以憑拋拈移文襄陽喚上王璋聽照原約取回成婚戶絕  
之家自有專條官司處置一從條令非惟絕訟死者可慰舐犢  
之念生者可遠兼并之嫌縱有健訟奚所容喙自度無嫌於榮  
祖乎何畏榜示市曹或願議姻聽自入狀切待審度以憑施行  
又據所供族圖解懃亦且無後僅有一女年踰六十此日迫崦  
嵎鐘鳴漏盡之時也孽孽罔利不知自反能欺於人而不能欺  
於天能計於一時而不能計於他日誠恐後之視今猶今之視  
昔併書以戒之汝霖一分田租併行椿管存爲二女出適之用

餘人並放申州照會施行

遺囑

假偽遺囑以伐喪

蔡文軒

范瑜放蕩無藉乘范大佑神朝奉不祿妄起覬覦既教唆族人使於范朝奉垂絕之際登門伐喪騙去錢會今又敢恃其破蕩自行詐賴鞠之囚理屈辭窮即無所謂遺囑特鑒空誣賴爲騙取錢物之地耳國家大臣覺肉未寒而不肖之族已群起而并吞之此風俗之大惡人情所同惡不行重懲無以戒後范瑜勘杖一百編管鄰州所有范朝奉垂絕之際騙去錢物入牒府第



具姓名申來以憑追究院司引斷施行間續據國子進士范漢等連名劄狀陳告及范承議劄狀乞從末減范瑜本合照已判勘杖編管以明堂赦恩適至而范族尊長及小范佑神承議合辭有請姑從輕送州學決竹篦二十聽讀三月放餘照前判

女合承分

范西堂

鄭應辰無嗣親生二女曰孝德過房一子曰孝先家有田三千畝庫一十座非不厚也應辰存日二女各遺賜田一百三十畝庫一座與之殊不爲過應辰死後養子乃欲盡有觀其所供無非刻薄之論假使父母無遺囑亦自當得若以他郡均分之例

處之二女與養子各合受其半、今只令與田百三十畝、猶且固執可謂不義甚矣、九原有知、寧無憾乎、縣丞所斷、不計其家業之厚薄、分受之多寡、乃徒較其遺囑之是非、義利之去就、却不思身為養子、承受田畝三千而所撥不過二百六十、遺囑之是非何必辯也、二女乃其父之所自出、祖業悉不得以露潤而專以付之過房之人、義利之去就何所擇也、舍非而從是、此為可以予可以無予者、設舍利而從義、此為可以取可以無取者、設令孝先之與未至、傷惠二女之取、未至傷廉、斷然行之、一見可決、鄭孝先勘校一百釘銅、照元遺囑各撥田一百三十畝、日下

管業

諸姪論索遺囑錢

范西堂

柳璟兄弟四人、父美分析各占分籍、素無詞訴、三兄俱亡、有姪凡四、璟死之日、家業獨厚、而子幼、遂以四姪貧乏、各助十千、書之於紙、歲以為常、今纔五七年、而璟之妻子、乃渝原約、諸姪陳論、意欲取索、就其族長索到批貼、係璟親筆、以子照接續交付、似可無辭、第探其本情、實有添意、昔人有子幼而婿壯、臨終之日、屬其家業婿居其子之二、既而渝盟、有詞到官、先正乖違、以其善保身後之子、而遂識乃翁之智、從而反之、九原之志、卒獲

以伸柳璟之死子在襁褓知諸姪非可任託孤之責而以利誘之觀其遺詞初念生事之薄而助之錢終以孤兒寡婦之無所託而致其恨且言獲免侵欺瞑目無憾執筆至此夫豈得已此與古人分付家業之事意實一同其所措慮可謂甚遠諸姪不體厥叔之本意歷年既遠執券索償若其固有不知璟之子受年日以多璟之妻更事日以熟門戶之託既有所恃則以利啗人無嫌諾責合當倣乖崖之意行之原約毀抹自今以始各照受分爲業如有侵欺當行懲斷

別宅子無證據

范西堂

饒操無子、養應申以爲子、儻果有庶出之親子、不自撫育、併母  
逐去、以嫁其僕李三、非人情也、今李三之子李五、謂其母懷孕  
而出、以嫁李三、自陳歸宗、何所據而然也、準法諸別宅之子、其  
父死而無證據者、官司不許受理、李五生於李三之家、年踰二  
十、父未嘗以爲子、其無證據也決矣、李三饒操之僕也、二十年  
間、往來饒操家、不知其幾、必嚴主僕之分、欲爲子者、果如是乎、  
據李五所供、謂是生母之出、母實逐之、理固有此、第母死十年  
之後、饒操身故十年之久、非一朝一夕、饒操胡爲一併棄逐、初母  
死而不持母之喪、今父死而欲分父之業、夫豈可行、越年二十、

明居李三之家而陰爲鏡操之子天下豈有無父之國哉夫父  
子天性也不可以強合縱是其已之所出而父不認亦無可強  
之理矧爲偽乎昔衛太子歸詣北闕公車以聞是否未可知也  
衆方艱於區處京尹雋不疑乃叱從吏收縛謂太子得罪先帝  
亡不即死今來自詣是罪人也詔獄而竟得其偽夫大義所在  
古今不易之理家國雖異其理則同以義斷之何所容喙緣李  
五出沒於族人之家往往多有主之者若問族長必有出而證  
其實大槩鏡操過房應申族多不平乘機抵隙令得以騁若果  
崇篤族義其行以公當操存日何不俾正父子之名於一時絕

紛爭之禍於他日胡爲操死之後遽相扶持以圖終訟族義之薄莫甚於此郡縣所斷反覆辯證如見肺肝今之爲政非曰知之艱必須行之果也及至無訟家已用喪卒墮族人之姦李五勘杖一百編管隣州李三本是饒操地客押出縣界有詞決配

義子背母無狀

蔡父軒

詳王氏所供初事張顯之爲妻顯之既死只有男張大謙王氏夫亡子幼始招許文進爲接腳夫許萬三者乃許文進之義子帶至王氏之家者也許文進用王氏前夫之財營運致富其許萬三長成王氏又爲娶婦悉心家計附之雖前夫親生之子已

死不復爲之立繼所以撫育許萬三之恩可謂厚矣今年四月  
許文進病重口令許萬三寫下遺囑分付家事正欲杜許萬三  
背母之心許萬三從而竊之固已無狀且縱其妻阿戴悖慢其  
姑又將盤筵席捲而去有是理哉王氏有詞夫豈得已本州委  
林都監究實不能正其母子之名分乃只問其財貨之着落舍  
本求末棄義取利知有貨利而不知有母子之天鄙哉武夫何  
足識此尤可怪者王氏方訴于本司之庭忽有許文通者突然  
執狀而出曳王氏而前若擒捕一賊之狀押下供對乃知許文  
通者乃許萬三所生之父所供之狀與所執之狀字畫已出兩



手無故而欲干預婦家事一不可也。又爲出繼男入嗣率子  
攻母二不可也。違背公理入脚行私。婦在公庭猶且爲其擒  
紐欺撼。則其在私家可知矣。則其助所生之子以悖所養之母  
又可知矣。當職親覩其無狀心甚惡之。誰無父母誰無養子天  
理人倫何至於此。許文通勘杖八十封案。如敢更干預王氏家  
事即行折斷。牒州差管押許萬三夫妻及財本與王氏同居侍  
奉如再咆哮不孝致王氏不安跡定將子婦一例正其不孝之  
罪仍門示。

名公書判清明集卷之八

名公書判清明集卷之九

一卷

戶婚門

違法交易

已出嫁母賣其子物業

蔡久軒

本司昨因徐氏訴其子不孝以事干風教遂與追究今子母到官供對則知徐氏陳師言之繼妻原乞養一子曰紹祖又親生二子曰紹高紹先及女曰真娘師言死徐氏自將夫業分作五分乞養之子一分而已與親生二子自占四分於條亦未為是宜乎紹祖以偏愛議其母母又以不孝加其子也然猶有可諉

者徐氏猶能守志也今既不能守志而自出嫁與陳嘉謀則是  
不為陳師言之妻矣不為陳師言之妻則是不為紹祖兄弟之  
母矣既非其人之妻又非其人之母而輒欲賣其家之業責其  
子之不孝可乎在法有接腳夫蓋為夫亡子幼無人主家設也  
今陳氏三子年幾三十各能主家亦何用陳嘉謀為哉徐氏於  
子壯年事陳嘉謀是嫁之也非接腳也安得據人之屋賣人之  
業豈有是理哉其徐氏自賣所分一分之業委是違法劉通判  
者何人乃敢違法交易為婚不屬本司牒州徑自追究照條行  
然徐氏之嫁陳嘉謀是為陳嘉謀之家人雖不當干預紹祖家

准同龔宅幹人當官以錢兩相分付限三日具了當申如有不服仍解赴本司施行奉都運台判照所擬帖丞廳監錢業兩和交付限三日了絕如違解來

母在與兄弟有分

劉後村

交賜田宅自有正條母在則令其母為契首兄弟未分析則合令兄弟同共成契未有母在堂兄弟五人俱存而一人自可典田者魏峻母李氏尚存有兄魏峴魏峽弟魏嶠若欲典賣田宅合從其母立契兄弟五人同時着押可也魏峻不肖飲博要得錢物使用遂將衆分田業就丘汝礪處典錢豪民不仁知有

兼拜而不知有條令公然與之交易危文謨為牙實同謀助成其事有詞到官丘汝礪危文謨不循理法却妄稱是魏峻承分物業不知欲置其母兄於何地又稱是魏峻來丘汝礪家交易危文謨齎契往李氏家着押只據所供便是李氏不曾自去交易分明魏峻雖是未曾出官其事自可定斷照違法交易條錢沒官業還主契且附案候催追魏峻監錢足日毀抹丘汝礪危文謨犯在赦前自合免罪但危文謨妄詞抵執欺罔官司敗壞人家不肖子弟不容不懲勘杖六十仍舊召保如魏峻監錢不足照條監牙保人均備張五十契內無名併丘汝礪放

重疊

翁浩堂

王益之家園屋地基既典賣與徐克儉又典賣與舒元琇攷其  
校見年月皆不出乎淳祐元年八月九月之間其謂之重疊明矣  
舒元琇家收得上手徐克儉家批得關書若論年月無大相遠  
但徐克儉家却有王益之父王元喜典來一契本亦疑其非真  
及追到出產人牙人及知見人王安然所供委有來歷王元喜  
之契實真非偽則徐克儉當得業而舒元琇不當得業矣王益  
之乃重疊出業之人勘據所供稱欠王規酒米錢一百貫官倉  
被展轉起息算利至三百餘貫逼令寫下典契舒元琇者乃王

規所立之詭名也。牙人陳思聰所供亦然。在法典賣田地以有  
利債目半折價錢者業還主錢不追。如此則舒元琇交關亦是  
違法。上件屋業合還原典主徐克儉。管佃又法諸以已田宅重  
疊典賣者杖一百。牙保知情與同罪。王益之重疊陳思聰知情  
並合照條勘杖一百。徐克儉干照給還舒元琇干照毀抹附案。

業未分而私立契盜賣

公羽浩堂

方文亮生三男長彥德次彥誠前妻黃氏生幼雲老妾李氏生  
彥誠已死有男仲乙雲老年方二歲家業盡係長男彥德主掌  
張據彥德入狀論男仲乙非理賭博盜賣田產及追到仲乙詳

所供狀併攷族長所畫宗枝乃知仲乙非彥德之男也實其姪也據彥德稱曾抱養仲乙為子以姪為子於理雖順但彥德已自立一男名仲二仲乙親父彥誠又無他子豈應無故變亂宗枝絕滅彥誠繼嗣此皆是彥德起意併包利取全業指姪為兒名不正言不順此仲乙所以不伏此非理破蕩之由也胡元十祝萬五之徒棄間貪謀毀誘仲乙賭博輸錢至七百餘貫私立田契及生錢文約今已索到白契三紙在官驗係仲乙等押字分明仲乙固不容無罪亦乃伯彥德有以激之契勘方文亮服尚未滿所生雲老李氏尚存今照淳祐七年勅令所有詳到平



江府陳師仁分法撥田與李氏贍養自餘田產物業作三分均  
分各自立力庶幾下合人情上合法意可以永遠無所爭競所  
有仲乙違法典過三契使仲乙果是彥德親子未有承分則當  
用錢不追業還主今仲乙乃是彥誠之子自有應分若違法典  
賣致自尊長覺發而又不追錢得業則卑幼之不肖者何所不  
可為似反為不義之勸方仲乙照條勘杖一百追錢沒官未到  
人併方仲乙生錢文約牒巡檢司限三日追索

鼓誘寡婦盜賣夫家業

翁浩堂

徐二初娶阿蔡生一女六五娘再娶阿馮無子阿馮有婦

來前夫陳十三之子名陳百四徐二宜立嗣而不立嗣者蓋阿  
馮毋子專其家木容亨也徐二慮之熟矣恐身死之後家業為  
異姓所攘乃於淳祐二年手寫遺囑將屋宇園地給付親妹與  
女且約將來供應阿馮及了辦後事徐二雖為家業慮亦未嘗  
不為阿馮慮也其遺囑可謂盡阿馮可以生死無憾矣夫何  
徐二身死未寒里人陳元七用心不仁欺阿馮嬖處而貪謀之  
坐使陳小二為牙毀誘阿馮立契盡賣徐二家業在淳諸財產  
無承分人領遺囑與內外總麻以上親者聽自陳官給公憑又  
法諸寡婦無子孫擅典賣田宅者杖一百業還主錢主牙保知

情與同罪今徐三之業已遺囑與妹百二娘及女六五娘曾經  
官投印可謂合法而陳元七、輒誘阿馮盜賣苦只以擅典賣之  
法定也尚在勘罪追業而况又係盜賣乎陳元七、陳小二、阿馮  
三名各勘杖一百內阿馮年老免斷監錢家業追還徐百二娘  
六五娘同共管佃別給斷由與之照應仍仰百二娘照遺囑與  
妻阿馮終身不得捐棄所有偽契候府判廳給到日毀抹

買主偽契包并

翁浩堂

寡婦阿宋有三男長宗顯次宗球次宗輝力下物業除三分均  
分外尅留門前池東丘谷園又池一口充阿宋養老嘉定十六

年黃宗球出一契抽東谷田三分中一分與黃宗智索到干  
照有母親阿宋及牙人知押此項委是正行交關外有兩分宗  
顯宗輝不曾出賣據阿宋初詞以為黃隅官宗智強佔其業黃  
宗智供狀則以為並已買到及索出嘉熙元年契一紙但有黃  
宗輝黃宗顯押字即無牙人不曾有母親阿宋知押以黃宗顯  
字畫致之供狀已絕不同又據阿宋稱黃宗輝係乙未年身死  
今上件契書乃在黃宗輝已死之後兄弟押字不同又不取母  
親知押及牙人證見契病百出不容遮掩此皆是黃宗智用心  
不仁欺阿宋一房孤寡因得黃宗球一分之業遂假立契欲

包占三分使阿索不能扶病力陳官司不與盡情根理則此田遂陷入黃宗智之手使孤兒寡婦坐受抑屈豈不可憐黃宗智立偽契占田勘挾一百真契給還偽契毀抹附案仍給據與阿索照應

偽將已死人生前契包占

俞浩堂

黃明之季日蕪所爭陂塘下東山邊之田皆出於吳索出黃明之契係得業於吳友暹具載大小一十八坵與錢三十貫係今年四月投印索到李日益契係是得業於吳夢齡具載田六小一十一坵與錢七十二貫有繳捧上徐都巡契吳友暹父也吳

夢齡子也以理論之父與子絕黃明之交關為正李日益交關  
為不正然以契書攷之以供狀參之則吳友暹兩契頗有可疑  
者契內一十八坵田出租穀一十五石緣何祇與錢三十貫既  
是吳友暹全契出典緣何徐都巡上手契乃係李日益得之又  
吳友暹紙花字亦絕不同兩家契頭並皆亡歿意者黃明之吳  
友暹已死之後傳換契書而為此乎不然又何為加典一契投  
印乃在合年四月兩家有詞之後也兩契牙人各為所主不伏  
從實供哄所幸吳友暹義女吳四娘供上件田十八坵於吳友  
暹端平元年身死後吳夢齡將土名西邊陂塘下一十一坵典

與李日益通計價錢七十二貫文足外更有兩坵今照吳子達所供係本人承開分到一坵已賣與沈億六秀又轉與徐宗伍秀兒管業訖其一坵係吳友暹於紹定六年斷相賣與吳友係其夫金百二秀管佃以此攷之則一十八坵之數各有着落今黃明之乃寫立已死人契盡該一十八坵是欲包併三家物業為一况今年加典一契授印方新尤不可信其虛偽亦難掩矣上件交關契頭亡歿契字難明只得據供證酌人情依此結絕案給榜下地頭曉示仰各照判佃業不得妄有侵占所有黃明之假偽之罪事在赦前且與免科

叔偽立契遺賣族姪田業

觀黃貢士所為使人羞愧無地士戴圓履方學古問道所以冀於凡民者以其仁義存焉耳借出砧基偽寫田段移換粘繳欲入不可得正有官會一百二十貫交付尚有官會一百八十貫止立虛批即無一錢可還定僧既未得錢子萬亦未嘗管業今已憑此契立力頭矣又將此田賣與楊世榮矣又憑此契親鄰贖定僧別田矣且子萬既能起立力頭則所贖之田合自保守今乃朝贖而暮賣朝越而暮出業此何為者邪蓋此田既賣與楊世榮則是楊世榮之業矣子萬既已無業焉有所謂



鄰哉在法交易錢正一百二十日限陳子萬贖田經隔一年交錢未足不合便將別人田賣與楊世榮不合妄執親鄰楊世榮不合謀業用錢資給子萬贖田又資給子萬執鄰兩名各勘杖一百徧到錢會本合沒官又恐楊世榮當來偶不知情錢還世榮田還定僧各令責領入業劉氏所買田乃是問定僧奢勿在子萬既無業不知以何為親以何為鄰合還劉氏管業勢併給還所有定僧父判官契內田必有陳堡斷賣骨契定僧年幼不能知管致為子萬等鶻突以賣為典業須有合同契若陳堡子萬將來要贖即執出合同以憑照對各給斷由

典買田葉合照當來交易或見錢會中半收贖胡石壁  
李邊贖田之訟凡九載縣家所定與漕司所斷皆以李邊為不  
直當職今將案牘逐一披閱見得李邊果是無狀之甚供吐之  
間說條道實不但欲昏賴典主直欲把持官司執減落會價為  
詞一則曰有違聖旨使官司明知其非瑟縮而不敢加之罪典  
主明遭其誣至礙而不敢與之爭自非老奴已得習於珥筆安  
得設謀造計以至於此殊不知法意人情實同一體徇人情而  
違法意不可也守法意而拂人情亦不可也權衡於二者之間  
使上不違於法意下不拂於人情則通行而無弊後而奪不義

也施於族子者如此是以所厚者薄矣黃俊德不敢直指其叔姑以黃廷盜賣為詞而聽黃廷自經其叔若付之有司所犯當不以陰籍論官司不欲因姪以坐叔黃桂子與免罪黃廷不合書契及立批領交錢勘杖八十陳秀不合作牙保押契決小杖十五案將黃俊德齎出契後批領當廳毀抹附案併將站基簿批鑿訖還黃俊德管業餘人故

取贖

親鄰之法

胡石壁

照得所在百姓多不曉親鄰之法往往以為親自親鄰自鄰執

親之說者則凡是同關典賣之業不問有鄰無鄰皆欲收贖執  
鄰之說者則凡是南北東西之鄰不問有親無親亦欲取贖殊  
不知在法所謂應問所親鄰者止是問本宗有服及親之有鄰  
至者如有親而無鄰與有鄰而無親皆不在問限見於慶元重  
脩典令與嘉定十三年刑部頒降條冊昭然可考也今讀其所  
欲執贖堂弟出典之田既是有親無鄰則是於法有礙合照僉  
廳所擬行

有親有鄰在三年內者方可執贖

塹頭之田既是壬子通典業聽其收贖固合法也至於南木山

陸地却是王才庫受分之業准令諸典賣田宅四鄰所至有本  
宗總族以上親者以帳取問有別之由隔間者非其間隔古來  
溝河及衆力往來道路之類者不為鄰又令諸典賣田宅滿三  
年而訴以應問鄰而不問者不得受理王才庫所受分陸地使  
其果與王才通同關亦必須與之有鄰而無其他間隔及在三  
年之內始可引用親鄰之法如有親而無鄰及有親有鄰而  
在三年之外皆不可以執贖今但以同關便欲聽其執贖在法  
却無此說合索干照參對施行

妄執親鄰

陳子萬家業破蕩已久忽用計脫贖去三十年已賣與陳定僧

今廣東省城行務司署為焚矣

父田契據此田直官會三百貫今自寶慶二年三月收贖至寶

慶三年正月稱提楮弊朝廷之法固曰斷斷乎其不可違州縣

之賦租商賈之貿易已既並同見錢流轉行使獨有民戶典買

田宅解庫收執物色所在官司則與之參酌人情使其初交易

原是見錢者以見錢贖原是官會者以官會贖原是錢會中半

者以中半贖自幾何以至於遠方莫不守之以成說如近日提

舉所判顏時昇贖率昇田之類是也今邊乃欲以見錢五十貫

官會六十五貫而贖唐仲照見錢一百二十貫典到之業何不

近人情之甚邪強之不從而遂訟以減落會價經縣經臺咸不  
得逞復不知止又來經州臺爾繡祇縣令折之既不從監司折  
之又不服則其狡獪亦可知矣且觀唐仲照不肯退業之囚只  
是持見錢贖之說初未嘗欲以時價折估官會要得橫以減落  
會價之罪誣之向使當米果是錢會中半其時舊會係作七百  
七十行使今既減作二百文省則李邊亦當以五償一除五十  
貫見錢之外尚合還舊會四百五十餘貫縱曰取贖之時在朝  
廷新會未出之前舊會未減之日則亦不應以六十五貫官會  
而準七十貫錢此雖三尺童子亦知其必不可行矣李邊自反

有愧無以藉口乃以贖後進與一契謂其瞞昧早幼謂兄弟不  
知官憑文書豈可以虛辭勝作偽而愈拙欲蓋而愈彰但懷求  
勝之心罔念終凶之戒若不痛治何以戢姦本府昨準漕司行  
下監李邊備錢陪還唐仲照如不服收勘從條行今據僉廳所  
擬李邊合勘杖一百但其狀首自稱前學生意其或是士類遂  
欲免斷就觀李邊前後狀詞皆是齊東野人之語無一毫詩書  
意味安得附於儒生之列况採之輿論皆謂其健訟有素積罪  
已盈篋於此時又獲幸免則凡醜類惡物奸行凶德之人稍識  
下字者皆得以士自名而恣為悖理傷道之事官司終不得而



誰何矣此長惡之道也豈為政之方哉照條勘杖一百引監原錢還唐仲照日下退契秋成交業

過二十年業主死者不得受理

吳恕齋

理訴田產公私惟憑于照統邦政訴其祖沈文道有田八畝坐落仁和縣西塘典在孫宅本縣不與理贖經府陳訴僉廳索案點對照得其田係劉防禦于淳熙五年賣與陳保義陳于慶元六年賣與徐四徐賣與錢登仕錢又于嘉定六年讓同田產百餘畝賣與孫宅繳到錢登仕賣契及原買徐四上手赤契一一分明更易四五主經涉五六年前后契內即不曾聲說先係沈

文道之田不知沈邦政何為一旦認為己田邪若曰祖產必有  
砧基簿或分書可照若曰果是其祖出典必有合同典契可考  
今咸無之又自供初不知價實多少亦不知牙保業主姓名但  
執先贖回劉氏子家典契一道稱與此田係是同段因必是其  
祖文道典與外人未曾取贖所以陳訴殊不知此田雖與而典  
于劉娘子之田同段乃是乾道年間之契安知乾道以後乃祖  
乃父不將此田賣與外人借曰果是其祖曾典與人何不于劉  
防禦等出賣之時即行理贖今經隔五十年自劉以後轉相授  
受孫宅已係第五主買矣若欲拔本尋源須根問劉防禦得田

賣田之因可也官司何可根究五十八十年前干照之事大九  
為富果仁之徒典人田產不伏退贖世固有之官司當從公主  
張但沈邦政既無片紙干照其說畧無根據此必有生事者教  
唆之徒事攬擾在法諸典田宅者皆為合同執錢業主各收其  
一又諸理訴田宅而契要不明過二十年錢業主死者不得受  
理今沈邦政既無合同典契又隔涉五六十年本縣所斷已為  
允當欲令孫宅照契管業如邦政尚敢妄詞解府從條施行  
措改契書占據不肯還贖

典贖之法昭如日星豈有年限過滿措改契字執占為業而不

退贖之業到縣案及合同典契對改置到字為置典字甚分  
曉吳師淵用心不臧知縣所斷司戶所擬已極允當今吳師淵  
乃以葉雲甫所典田無上手亦契為詞夫當嘉熙用錢交易之  
初不問其赤契之有無今當限滿退贖之後乃索其赤契何也  
況既有經官印押分書登載此田又何必赤契而後可證其為  
已業吳師淵又以葉雲甫所典田為係先典得人者今業主已  
亡不應取贖替之令甲諸理訴田地而契要不明過二十年錢  
主或業主死者不得受理葉兒係出典田主即非亡歿合同契  
契即無不明縱是葉先與他人者亦只合聽葉取贖况所立合

同契內但曰置到且係分受之產又何疑乎揆之理法無一而可遷延占據措改文書二罪論之吳師淵合照條勘斷但勘下扶一百押下縣交領寄庫錢會退贖如能悔過却與免決合同文約給還葉雲甫管業案吏乞取一節別呈施行

孤女贖父田

吳恕齋

俞梁有田九畝三步開禧二年典與戴士壬計錢八十七貫俞梁死于紹定二年並無子孫僅有女俞百六娘贅陳應龍為夫當是之時阿俞夫婦亦未知此田為或典或賣至嘉熙二年二月始經縣陳訴取贖而戴士壬者稱于紹定元年内俞梁續將

上件田依價錢四十五貫已行斷賣堅不伏退贖展轉五年互  
訴于縣兩經縣判謂士壬執出俞梁典賣契空分明應龍夫婦  
不應取贖今應龍復經府番訴不已準台判飭廳點對尋引兩  
詞盤問及索俞梁先典賣契字辨驗看詳切惟官司理斷典賣  
田地之訟法當以契書為主而所執契書又當明辨其真偽則  
無道情惟本縣但以契書為可憑而不知契之真偽尤當辨此  
所以固士壬執留之心而激應龍紛紜之爭也今索到戴士壬  
原典賣俞梁田契喚上書舖當廳辨驗與于開禧賣于紹定俞  
梁書押喚出兩字筆跡顯然典契是真賣契是偽三尺童子不

可欺也。作偽心勞，手足俱露。又有可證者：俞百六娘訴取贖于嘉熙二年二月，而士壬乃旋印賣契于嘉熙三年十二月。又嘗于嘉熙三年三月內將錢說誘應龍立契斷賣四畝以俞百六娘不從而牙保駱元圭者嘗獻其錢于官，使其妾曾斷買契字真實，何必再令應龍立斷賣契？又何為旋按印賣契于俞百六娘？有詞一年之後，取此其因阿俞有詞取贖，旋造偽契，以為欺罔昏賴之計，益不容掩。切原士壬之心，自得此因歷年已深，蓋已認為已物。一旦退贖與業主之婿，有所不甘，故出此計，照得諸婦人隨嫁資及承力絕財產，並同夫為主，惟令力絕財產。

盡給在室諸女而歸宗女減半今俞梁身後既別無男女僅有  
俞百六娘一人在家坐當招應龍為夫此外又別無財產此田  
合聽俞百六娘夫婦照典契取贖庶合理法所有假偽賣契當  
官毀抹但應龍既欲取贖此田當念土主培壅之功蓋已年深  
亦有當參酌人情者開禧田價律今倍有所增開禧會價較今  
不無所損觀應龍為人破落澆浮亦豈真有錢贖田必有一等  
欲矣之徒資給之所以興連年之訟欲監陳應龍當官備十八  
界官會八十七貫還戴土主却與給還一宗契字照業俞梁既  
別無子孫仰以續祭祀者惟俞百六娘而已贖回此田所當未



遠存留充歲時祀之用責狀在官不許賣與外人如應龍輒敢  
出賣許士壬陳首即與拘籍入官庶可有繼絕之美意又可杜  
應龍賤贖貴賣之私謀士壬憤嫉之心亦少平矣

典主遷延入務

胡石璧

照得孫知縣於去年十二月間判令阿龍候務開日收贖所典  
與趙端之田其趙端自合遵照縣司所行及時退贖今乃以施  
工耕種為辭當職觀所在豪民圖謀小民田業設心措慮皆是  
如此當務開之時則遷延月日百端推托或謂尋擇契書未  
得或謂家長出外未歸及至民戶有詞則又計囑案司申展文

引逐限推托更不出官展轉數月已入強限矣遂使與田之家  
終無贖田之日且貧民下力尺地寸土皆是汗血之所致一旦  
典賣與人其一家長以痛心疾首不言可知日夜夫耕婦織一  
勺之粟不敢以自飽一縷之絲不敢以為衣恐餓受寒銖積寸  
累以為取贖故業之計其情亦甚可憐矣而為富不仁者乃畧  
無矜卹之心設為姦計以坐困之使彼贖田之錢耗費於興訟  
之際縱是得理而亦無錢可以交業矣是以富者勝亦勝負亦  
勝而貧者負亦負勝亦負此富者所以田連阡陌而貧者所以  
無卓錫之地也今趙端之困阿龍其術正出於此阿龍此田出

典於趙端之家四頃共當錢九十八貫凡歷八年而後能辦收贖之資則其艱難之狀可以想見阿龍積得此錢在手惟恐得田之不早而趙端乃欲候秋成而後退業此其意蓋知阿龍之錢難聚而易散此去秋成尚有半載之遙半載之間幸而其錢復轉而為他用則雖務閑之日呼之來贖彼亦無所措手矣趙端之操心不善當臆視之已如見其肺肝況阿龍係是去春得孫知縣判憑今春正月又在縣陳狀皆在未入務之先在法諸典賣更歷年限已滿業主於務限前收贖而典主故作惡延宕據者然一百趙端本合照條勘斷且以其年老封案原趙端偽

爲稅領獄罔官司其姦狡尤甚今不欲併加之罪且將兩項批領當廳毀抹勒令日下交錢退業

偽作墳墓取贖

凡人論訴田業只憑契照爲之定奪今楊迪功黃秀實以贖田互相爭執索到兩家契照得見上項田原係楊迪功父時可斷骨賣與黃琮黃琮分與男桂子其後桂子典與吳舜舉桂子兄秀實就吳舜舉贖回嘉定十年桂子立契斷賣兄秀實四至內並不曾該載楊氏祖墓端平三年十二月黃桂子再以上項田重疊與楊迪功交易却稱有楊氏祖墓且桂子以田賣與其兄秀

實全無祖墓之說今契與前契相反何邪當喚上黃桂子引問據供受楊迪功計囑一時利於得財姑從其請故以楊氏祖墓添入今書契字當職親引到地頭定驗見田蹊上有數塊石聚其畔稱有墓銘當問楊迪功云已經年載土內有石碑可照渠令其僕人自掘入一尺土餘見石一片約長尺四五許鑿數字其上又無支書具載土內有石何緣而知之此人情之不能無疑也楊迪功又執出乾道間上手契書稱有墓地仔細點檢契內無官印契後合接處雖有官印稍涉疑似當喚上書舖辨驗同稱其偽不肯保明責罪收入案設若此契果真楊迪功父

時可贊與黃琮之時合是說破自己祖墓不應絕漏乃置之不言此又人情之不能無疑也況此田在楊迪功門首於已甚便無計可得乃暗入石碑偽書契字買來苗桂子多方撰造而今日贖回張本驗之契照無可憑何名取贖今索到楊迪功偽契及與黃桂子重疊交易契書申縣見到欲乞當廳毀抹兩爭人見在取台旨

妾贖同姓亡歿田業

僉廳

前武岡軍黃圭妻汪氏論江文輝等妾贖同姓亡歿江通寶典過田業事準合判有申明指揮典產契頭亡歿經三十年者

不許受理今既與合同與契不候官司予奪不候黃宅交錢便  
強收田禾顯見欺孤凌寡帖縣追兩名索帖基簿及原與契解  
來詞人召保聽候續連陽縣解到江文輝劉太乙赴府喚上詞  
人幹人陳吉各齎干照帖基支書契照當廳詰問供對照得江  
氏兒父江朝宗於淳熙十五年用見錢二百貫足典得江通寶  
田共三段又於紹興四年內用見錢一百貫再典田一片共二  
段續於嘉定五年換與女江氏兒隨嫁黃主簿自典至今已經  
四十八年江朝宗并遺業人江通寶並已亡歿在官司不當受  
理此其一也江文輝供稱係江通寶直下子孫欲取贖江通寶

之田必常有合同與契今既無合同之契本司難以憑據還贖  
此其二也據江文輝齋到紹興二十三年本縣印押江浩砧基  
簿一扇計紙一十張今點對見得所寫典與江朝宗田段乃在  
第十二張紙內況紙樣印色不同字跡濃淡各別乃是添紙填  
寫不在收贖此其三也又江文輝齋出慶元三年官司印押江  
宗閔支書內云浩生兩男長二十八生彥次三十生宗閔而無  
江通寶之名却於寫三十之側添名通寶三字既非江通寶正  
名支書難辨親的子孫況江文輝指出該載所典田段與契內  
土名不同又有添段亦難證用此其四也雖據江文輝齋出別



項父年契字及納稅憑由要作旁證並經涉年深難以引用此  
其五也江文輝所供事情多涉虛誕礙理難以取贖然江氏所  
論江文輝收過兩冬苗米今文輝只認還今年苗米一十二石  
欲帖押下本縣監還其江氏兒所論劉大乙資給江文輝贖田  
段今引上供對既無實跡似難收坐欲責狀疎放

典主如不願斷骨合還業主收贖

大凡人家置買田宅固要合心合法則不起爭訟合心則子孫  
能保夫欲置田宅必予高價盡欲厚其所積使為子為孫不至  
又如此其典賣也范廊之父初以乳名僥立力後來却以范庚

名領舉得官初於主簿終於推官而其戶名則終仍范仇之舊而不改易故典賣田地亦用范仇名契及有官之時則田產往往已賣盡矣范卿齋出數重干照歷歷可考范仇於乾道三年至淳熙四年以小郭坂園屋三次計價錢一百九十二貫足出典與丁逸家人丁叔顯等於嘉定末開禧初年兩次計錢一百八十二貫足繳上手轉典與丁伯威管業整整二十年積收課利不為不厚豈不知其為范卿父之業范卿貧窘欲斷屋則不為之斷屋欲取贖則不與之還贖欲召人交易又不與之賣與他人偶因其父有二名又有官稱以此為詞枉應官司坐困范

鄺欲白據其園屋是誠何心哉况轉典價與原典價已有十千之損只以此十千之外所增能幾何與之斷屋則可以塞范鄺之望矣却乃巧詞曲說持訟官府丁伯威亦可謂不仁之甚者也最是范僦上手契出於丁元珍之手范僦契草出於范鄺之手就當廳比對字畫原詞年月更無差錯當官喚上職認丁元珍亦口呿面赤而無辭以對如丁元珍願與斷屋合依時價如丁元珍不與斷屋即合聽范鄺備原典錢就丁伯威取贖如范鄺無錢可贖仰從條別召人交易丁伯威如敢仍前隱固到官定從條施行干照各給還

墳墓

禁步內如非已業只不得再安墳墓起造整種聽從其

便

胡石壁

詳閱奈卷知縣所斷推官所斷於法意皆似是而非推官所引  
之法曰諸典賣田宅四鄰所至有本宗總麻以上親其墓田相  
去百步內者以帳取問李細五於黎友寧所買李二姑陸地係  
是墓鄰合聽李細五執贖其說固是矣然在法典賣田宅滿三  
年而訴以應問鄰而不問者不得受理黎友寧買係在嘉熙二  
年之春李細五入詞係在淳祐二年之秋相去九隔五年雖曰

有親已不在受理之限而知縣所引之法則又曰典賣分田宅松輒費用者準分法追還至原典賣人還價即與賣人二十年者免追止償其價過十年典賣人死或二十年各不在受理之限若墓用雖在限外聽有分人理認錢業各還主典賣人已死價錢不追遂判令李細玉於限外執贖其說尤為幽蕪蓋其法中明言典賣衆分田宅輒費用者則是指未分之產業已分則不可言衆分矣又言聽有分人理認則是指衆分之中有分者已分則各有所主衆人不復得為有分矣今此地李氏祖業然李二姑之父李彥興於寶慶二年已檢與女作隨嫁資如

此則是分析日久即非衆分之業乎細五安得為有分之人執  
法而不詳其意宜乎黎友寧之不服退業也但在法理年限者  
以印契日為始又紹興十二年二月二日都省指揮庶人墓田  
依法置方一十八步若有已置墳墓步數原不及數其禁步內  
有他人蓋屋舍開成田園種植桑果之類如不願賣自從其便  
止是不得於禁地內再安墳墓勒令所有詳四方各相去一十  
八步即係東南西北共七十二步又紹興十四年十月五日尚  
書省批下勅令所申婺州申墓禁內起造屋宇合與不合毀拆  
及日後聽與不聽起造斫伐如是田園聽與不聽地主墾種本

州有詳錄在禁步內既非已業惟日後不許安葬外如不願賣  
自從其便仍不許於步內取掘墳壘今乾道九年七月十五日  
指彈亦只令地主不得於墓禁取掘墳壘今合索黎友寧曾契  
審驗投印年月如李細五入詞在印契三年之內合勒黎友寧  
交錢退業如入詞在三年印契之外合聽黎友寧仍舊管業起  
造懇種並從其便即不得於禁步內再安墳墓及取掘墳壘合  
廳監照施行

爭山及墳禁

翁浩堂

徐克明鄭宗立所爭烏塘下山鄭宗立就鄭子軒買來嘉定六

年印契徐克明就鄭忠文買來結定十二年印契子軒父也契  
為正思文字也契為不正則鄭宗立當得業徐克明不當得業  
今日所爭非但為業蓋徐克明鄭八共祖母孫二娘先已葬在  
山中據稱四十餘年矣今年鄭宗文以其妻葬於墳畔與勘  
徐克明得業雖在後而葬地却在先業可準墳不可奪鄭宗立  
雖可得山却不可違法犯古墳禁牒押徐克明鄭宗立下之溪  
請巡檢躬親前去地頭定驗就孫二娘墳所打量照條則買禁  
地如鄭宗立所葬別墳犯墓禁內則合監舉移如在禁外兩無  
相干則聽仍舊其山仍係鄭宗立照契管業徐克明除墓禁外



不得爭占干照給還各人

主佃爭墓地

吳春論王生掘土斫木填塞祖墓續卓清夫論吳素良種以傷  
作人擱喪碎碑不與安葬兩詞共爲山圖是非莫辨本保勘會  
互訴無憑故未免親行定驗然後照兩家干照決照得此山  
總名六十東有一龔卓之祖墳在馬南山兩山迴繞其中爲田  
皆卓之業也北山之背則名北坑自隴頭入則吳家之業也今  
來所爭之地却是在大十北山分水之南卓清夫執出文書執  
狀則稱吳春之祖有吳念五吳念七者乃本家佃人慶元二年

故懇本家以祖父無地可葬遂以六丈墳山岩叫一穴與之明  
約不許丈尺侵占吳春所執則有吳裡契一道用鐵二貫足買  
得江彥山一片土名六丈北坑口龍頭且稱山上安葬祖父五  
穴已經五十餘年栽插茂盛職自到地頭與集保保詞同登  
山光實得見六丈之北山望南有吳家墓一穴東去不一十丈  
則却有古墓一穴卓清夫所開新穴正在古墓之右去吳家墓  
凡六丈許旁下別無五穴來由亦無填塞之處再三詢問眾口  
一辭吳春復以四鄰盡被卓家買贖獨有切鄰魏七七可證引  
上一問又復如是吳春兄弟相顧羞然駭汗甚矣世降俗薄名

分倒置禮義凌遲徒以區區貧富為強弱也卓清夫先世儒者  
個人求葬割地與之仁人君子用心也再傳而後子孫漸弱主  
田易勢吳春吳糧不念舊恩竊欲主得隨望屬敢與併吞若  
使卓氏無先見之明不有經官執狀可據則及今言之縱百喙  
何辨哉吳春最是欺罔者東西南北天地不易之位吳春經縣  
畫出山圖取以南為北以西為東地頭衆證翻案指射且有移  
步換形之說決以地羅其詐遂窮果如吳春所供祖充保正非  
卓之仰目山自葬非卓之地安得果有五穴經歷五十餘年則  
以執考之吳糧與江彥交易自係嘉定十六年稅契在法舉實

年月只憑印契豈有未到官未交葬而預卜葬於他人山之理  
借使私下批鑒年月可據則自淳熙十年至嘉定十六年八經  
四十載載墜白契果法邪何況江彥所賣之山明稱大方北坑  
口四至登帶西至卓縣尉田南至牛路及卓縣尉山則今未開  
穴自是在大方北山之南牛路分水之下非卓家山而何隣保  
僉言官司目擊吳春兄弟豈可但知今日之得地不思乃祖之  
乞憐纔得染指其間便欲席捲而去但北山原有古墓一穴都  
保咸謂久年無人祭祀吳家以為祖墓固不可卓氏欲以為叔  
母陳氏墳何可憑幾年茅簷曾不得為馬蹃其畦之鬼一旦交

惡乃爭欲下郭崇緇之拜殊可笑也所有大士北山頭分水而  
南牛路為界除卓縣尉原姓為吳家安葬一地外盡合還吳家  
承分子孫管業吳緯吳泰歐人欄喪不顧名分變易南北煩惑  
官司欲各勘杖六十照監元責償錢入官若更怙終健訟合照  
原約斷罪監移庶可為小人忘恩犯分貪婪無厭者之戒業其  
定斷事理申更缺

一視同仁

蔡大軒

豈特嫌郊墳不可動雖古墓亦不可動也國家法禁一視同仁  
豈有所輕重哉若劉自誠已安葬在彼只當照縣監移官司按

法而行若要如此委曲勸諭幾時是了訴屈墓雨收送州追索人契催理斷結絕申若果是掘墓則李元亮之罪不輕若只是妄訴則李景標合該反坐亦不可恕

### 墓木

捨木與僧

蔡久軒

捨墳禁之木以與僧不孝之子孫也謗其捨而斫禁木者不識法之僧也若果如縣斷則是為尊者苛捨墓木而姪者不合訴墓木與法意大差矣程端汝勘杖一百僧妙日不應為扶六十帖縣照斷

爭墓木致死

蔡公軒

決斷大辟公事要見行犯人起爭之因所謂原情定罪意是也  
余細三十與男余再六姓余再三有祖墓林與買官人胡小七  
田地連接余家墓山累世之業也胡家之田近年得之也墓林  
茂盛寧免嵐蔽田地任在如此儘使此田為木嵐蔽胡小七當  
日勿買可也及至交業之後佃人洪再十二欲行退佃不過與  
幹甲通同欲邀田主退減苗租而已胡小七之悍僕胡再五周  
先乃具狀申聞胡小七者遽就狀批判差諸悍僕率群佃百餘  
人名曰自耕其實將帶刀斧喧散直將田畔余家墓木悉行斫

伐幾於赭山其餘細三十併子若姪聞之急往占護墳示示  
人情之常但不當帶管刀挾棒而前及登墓山果見斫伐狼藉  
及將木拉搬歸幹甲梁與乙之家危辛乙者特胡小七一個人  
耳亦隨衆斫伐之人一時余再六登山趕捕不獲已行回歸適  
又遇見危辛乙持斧上山遂成對頭危辛乙先以斧頭抵敵余  
再六次以管刀敵觸余再三又以長棒擊打遂致危辛乙為刀  
傷要害身死推原起爭之因皆胡小七者以判狀付之悍僕依  
憑威勢平白斫伐他人墓木余再六所以不忿者愛護墓木也  
愛護墓木者所以愛護其祖宗也人誰無墳墓此其起因原情



實有可憫。賈官胡小七事發一年有半，更不出官。州院雖已勾追，竟以本人見在紹興，辛提幹處為言，通紳之錢且有免追之判。可見豪強照得余再六所犯，在戒降赦前，其弟余再三乞免于獄，其父余細三十已作，余超名前刑部特與貸命，決脊杖二十，刺配二千里軍州牢城。胡再五周先憑恃威勢，號召諸佃決脊杖十三，編管一千里方辛四梁興二皆佐助胡小七為惡，乏人勘杖一百，編管鄞州縣吏周元州吏徐必選周思民免追杖一百，罷逐並牒州照斷其賈官胡小七何物小子，乃以威力激成兇禍。牒州專人追解赴司，兩限不到，定追都吏其已斫伐木。

賍及砧基簿責還余家有分之人取領入案餘人放

庵僧盜賣墳木

許攷古之賢士也植松於墓之側有鹿犯其松裁攷泣歎曰鹿獨不念我乎明日其鹿死於松下若有殺而致之者默犯不疑幽而鬼神猶將聲其冤而誅殛之矧靈而為人者豈三尺所能容哉師彬背本忘義曾禽獸之不若群小志於趨利助之高虐此猶可諉者滿提舉語其先世皆名門先達也維桑與梓必恭敬止今其松木連雲旁起臨淵之羨斤斧相尋旦旦不置鄉曲之義掃地不遺此豈平時服習禮義之家所應為乎事至有司

做之以法，是蓋挽回頹俗之一端也。師彬決眷挾十七配千里，  
州軍牢城收管。

賣墓木

照得鄭茂與冷彦哲互爭初詞，止緣鄭文禮兄弟斫伐墳木賣，  
與冷彦哲。續後冷彦哲父冷濟義供稱，鄭茂贖由還錢未盡。鄭  
茂再狀論冷彦哲殺牛犒斫木人，此特其枝詞。變說官司，何必  
深信。蓋嘗聞諸民間，固有嗜利之家，每樂於以輕價與人物業，  
而又幸其無錢可以收贖者矣。今冷濟義贖所與鄭茂田地，既  
是正行交易，豈應被鄭茂假寫錢會脫卸取去。元嘉定八年以

來無據有詞理素及招鄭茂陳論之後方始以贖田欠錢為詞  
則其說難信也既又見諸脩令禁止宰牛或告或捕皆有不可  
誣者矣今鄭茂所訴冷彥哲殺牛但止憑口述原無分毫駐證  
况去年正月入狀之初未嘗有此情節及招冷彥哲解論之後  
却再以殺牛犒夫為詞則其說果足信哉至如斫伐墓木哀私  
賣買以致與訟此其事頗於風教有傷在官司不得不加體察  
取經使府台判亦既灼見其不孝不仁矣今准帖命再行審定  
據鄭茂狀論鄭文禮兄弟斫賣衆祖墳畔木植其鄭文禮雖稱  
係斫他挾力鄭舟山內之木然既曰親堂叔姪吾翁即若翁慮

墳畔林木蓋均之不可剪伐拖照鄰保照具到山圖亦有鄭奇  
墓地一穴在衆祖墳側分明鄭文禮姑指之以爲挾尸則是弗  
顧其乃祖墓木而故賣之其爲不孝也特甚又據冷彥哲齋出  
原買鄭文禮木植手批其中聲說自用斫伐搬擔出賣不涉買  
主之事然車彥超千四乃兩下所同舉證之人拖照車彥超稱  
是冷彥哲昨與鄭茂交爭之時係同在其祖墳山上則亦明知  
是鄭氏墳木而故買之其爲不仁孰甚爲定驗至此鄭文禮擅  
賣墳木之罪若果不可逃則冷彥哲知情而買木亦當與之同  
坐所有斫下木植昨來知縣李宣教鑑欲拘擒然其亦並皆見

在合併申使府取自台旨施行、

賃屋

賃人屋而自起造

胡石壁

李茂森賃人店舍、不待文約之立、不取主人之命、而遽行撤舊造新、固不無專擅之罪、但自去年十月初興工、至今年三月未訖事、歷時如此、其久、將邦先豈不知之、若以為不可、則當俟終日而訟之於官矣、何為及今而始有詞、况當其告成之後、又嘗有筆帖令其以起造費用之數見諭、以此觀之、則是心已有前定之言矣、不然、則李茂森非甚愚無知之人、豈肯冒然捐金

原粟爲他人作事或謂訟之與要不爲此必是李茂森具數太多其間必不能一一皆實所以興訟以邀之其意不過欲勒其裁減錢數耳非果欲除毀其屋也小人姦狀有何難見兩家既是親戚豈宜爲小失大押下本廟喚隣里從公勸和務要兩平不得偏黨五日

庫本錢

領庫本錢人既貧斟酌監還

胡石璧

維友誠節次領周子蓮錢二百七十貫問根質庫且有文約可憑今已越八年矣因主家訴其欠負乃稱所領之錢原不及數

所謂開庫係是櫃坊與文約所書大相矛盾有意在誣賴不可  
知但小人得錢到手既是妄用官司雖有理索豈能一一如約  
幸而周子遵前後已取去錢二百一十六貫若通本息計之則  
所償僅及息錢之半若只以本錢論則所少僅五十四貫而已  
事既至此得本已為幸甚何暇更計息哉委在非人只得認錯  
若必欲究竟到底便着追保誠人追攬錢人豈不擾害隣里文  
移來往動是旬月淹留城市出入官府縱是盡如所欲亦恐得  
不償失况羅友誠一貧如此斷是無所從出今只得酌情處斷  
羅友誠勘下杖一百錮身押下縣監還未盡本錢五十四貫外



如一月不納押上照斷監還

質庫利息與私債不同

胡石壁

大凡官廳財物勾加之訟考察盡實則憑文書剖判曲直則依條法書此而臆決焉則難乎片言折獄矣黃公才初以百千與李四二依解而其子李五三李五七止供認五十千知縣遂以高信謂是當時果只五十千不知以何為照而可證單詞之非要是不能憑文書以考察盡實李四二領錢之初約每歲納息二分以十四年計之該息二百八十貫據黃公才供曾交去二十七貫通本息合存三百五十二貫此乃是積年留下息錢在庫

不曾支撥初非以財物出舉而因利為本者知縣乃引用積旦  
雖多不過得一倍之法以斷之豈猶未見淳熙十四年申明之  
勅乎其說曰若甲家出錢一百貫雇倩乙家開張質庫營運所  
收息錢雖過於本其雇倩人係因本營運所得利息既係外來  
諸色人將衣服金帛抵當之類其本尚在此之借貸取利過本  
者事體不同即不當與私債一例定斷今李四三所欠黃公才  
之錢正係質庫利息知縣乃以私債定奪是又不依條法以  
剖判曲直矣然則何以息訟哉僉廳再喚兩詞於黃公才名  
下索出李四三錢文約以驗其實欠錢若干如見得別無未盡

情節則與照條追理監還何必更追干證

肯主賴庫本錢

初據羅居汰坐牌伸冤稱被主家枷項一月訊腿兩次傳鄉院  
號令逼死其妻當職一見狀詞便知其妻之死不因於此特欲  
借之以動官府之聽冀施行之力耳獨於枷訊一事則不能無  
疑焉蓋此邦僻在一隅風俗悍戾豪富之家率多不法私置牢  
獄擅用威刑習以成風恬不為怪如羅居汰所訴未可盡以為  
無也追逮容已乎今兩造在庭一以為有一以為無互執偏詞  
固皆難信但羅居汰稱五月十六日被訊一百二十五日又訊

三十僅兼旬耳當廳看驗了無癰痕又於廳前吏卒中喚一同  
時被訊之人與之北視此則形迹般般可考由此觀之則其瓊  
妾已不難見及問其開解始末自庚子年三月為始節次共領  
過本錢一千一百貫每歲收息一分七釐半湖湘鄉例成貫三  
分成百四分極少亦不下二分今所收僅一分七釐半則饒潤  
亦不為不多又不可謂之為富不仁矣區元鼎初何負於羅居  
汰羅居汰乃敢如此及卒哉若區元鼎果以富而虐貧其罪固  
不可恕今羅居汰既以僕而背主其情實不可容且以時暑從  
輕勘杖一百限半月將典本還主家未盡息免監出外居住

爭財

欠負人實無從出合免監理

胡石璧

李五三兄弟欠負主家財本官司固當與之追理但其家既素無生業其父因飢寒而投托于黃公才之家以黃公才亦必達然以數百千付於其手必是逆料其如飢鷹附人飽則賜云故邀其假立文約領錢以為羈繫之術耳不然則不應如是之輕率也今本府押其兄弟下縣監納已數閱月更無一錢以償之啼飢號寒死已無日縱使有欠負亦已無可責償况未必是實乎在法債負違契不償官為追理罪止杖一百並不留禁今觀

其形容憔悴如此不惟不當留禁杖責亦豈可復施會免監理  
仍各於濟貧米內支米一斗發遣

掌主與看庫人互爭

此事拖閱縣案黎潤祖狀可疑者二陳氏兒狀可疑者三而大  
可疑者有一焉試與言之黎潤祖狀稱賃范雅屋一所開小米  
舖乙未歲下范雅以米五十碩寄糶面約五十貫米錢越數月  
而算利兩倍之餘未委是實至若令作手批一語尤為難信天  
下事非合於理當於情又或非心甘意須肯依人使令也邪今  
有人焉或使之赴湯蹈火其許之否乎此可疑者五其曰自

後節次入還訖所有上項手批范雅稱卒尋未見後因循不曾  
就取論此一節既曾以錢還人縱使不得原約亦豈不討交領  
為照方置之於不問之域耶此可疑者二也又據陳氏兒狀謂  
夫往小湖省親范雅縱使群妾恣意喝罵欲將歐害論此一節  
陳氏兒既與范雅群妾無冤何至遽然歐害而用心如此之險  
耶使果有此語其必有所因矣此可疑者三也其曰范雅群妾  
惡狠當晚同姑夫吳孫將帶首飾銀會籠袱之屬過吳孫家迴  
避論此一節陳氏兒若被范雅群妾辱罵當待棄站之還質  
告之可遷則遷何為打疊所有遂與吳孫行邪此可疑者四也

其曰范雅群妾劫奪箱籠銀會等盡底收歸家踰一更始喚集  
住屋人丘大二及氏兒公離人詹大勒令封樁論此一節使果  
有劫奪陳氏兒必呼叫鄰保豈肯使范雅群妾自奪下自把去  
自喚人封記俱無一語驚四鄰邪日則論時夜則論更謂之踰  
一更者則此事於夜見之矣使陳氏兒果有畏范雅群妾而避  
之則當於日間公然出去范雅群妾雖欲攔截雖欲喝罵人將  
不直於范雅矣今陳氏兒於夜間搬移籠袱之屬事涉可疑而  
范雅乃得有辭於陳矣此可疑者五也至若大可疑者又不在  
是矣黎潤祖狀謂曾於范雅家處館三年人情無如此深熟只



緣正初兩家婦女有少言語不足因黎潤祖去小湖省親遂致  
范雅群妾有娼罵之辱妻何陳搬徙之行吁可笑也哉詳人情  
深熟之旨味婦女不足之言則爭之言乃爭之端訟之原其殆  
始於是耶合是六者之疑而又參之以勘會一時之見若之何  
而折衷哉今據范雅執出黎潤祖手批云端平三年正月日起  
再展計算錢一百六十八貫文足再加三貫文足又黎潤祖狀  
謂戊子巳丑辛卯三年在范雅家守館中半年賃范雅屋開米  
舖夫守館至於三年人情深熟理固然也緣其深熟則於范雅  
邊假貸少錢以為開肆之資在黎潤祖可以啓口而范雅亦不

可得而部也夫既借之矣范雅又慮其久假不歸遂於端平三年索其照約黎澗祖寫手榜作一百七十頁其間或展筭加利雖不可知然既是親書夫復何說黎澗祖非顛非狂若謂范雅令其如此寫即依其如此寫吾未之信也縣牒押下黎澗祖范雅等獨陳氏兒喧呶不輟似非不能言者今於體究之日却不辯辯只是以語撩撥范雅群妾其群妾餘皆默然中有一人不曉陳氏弄巧之意遂喃喃應之雖蠻音不能盡曉然其色愠其氣象其辭煩亦非善良者此是陳氏兒挑其怒欲即證范雅群妾之狠耳但陳氏之情狀當職已於押下日見之矣范雅於

體貌之日、但執黎潤祖與其有庫一說時、或厲聲與黎潤祖爭、此是范雅欲顯我為掌主、故為有庫人使當職、知有分存焉耳。但昔黎為館賓、范為主、公賓主交懽、至於人情深熟、今雖借少錢未還、不應以有庫人視之。雖然事至於爭、何有於禮。此亦當仁不遜之意也。但有理不在高聲。范雅失之矣。又鄰人丘六二等供稱、正月十九日夜三更前後、聞得鄰居范九解宅、有夜人王七八吼叫庫下有賊聲。丘大二等鄰人各明火開門、看見有黃籠一對、箱二隻、并布袱一帕、各為一擔、頓在官街上。時有王七八、黎六九乃脫落頭巾在地。如此則黎潤祖非在小湖矣。

亦非范雅群妾奪去籠祇踰一更而後喚人到拘椿矣使兵大  
王三一如黎潤祖所論是雅屋佃即非實供則余太一名非  
住其屋不佃其田今亦在鄰保之列亦同此供若例以証目之  
不可也此必黎潤祖與范雅人情深熟之時借貸錢物開張店  
肆後因有爭執欲席捲而去之范雅得知遂致攔截不過如是  
而已若謂劫奪恐無是理也縣牒欲當職擬斷具申今合申縣  
乞再將兩爭人押上當廳勒黎潤祖斟酌少錢填還范雅不必  
拘以原數亦俗所謂賣人饒買人之意也又况范雅之子范繼  
既得黎潤祖訓導其模範已正矣今范雅責償於黎潤祖者又

能不永其足是亦陰陽之一助模範既立陰陽相扶異時免繼黃卷策勲青衫入手黎潤祖之盛源正本與有力焉雖然人事盡則天理見流繼又不可全靠此一項陰陽也案備申仍將所押下人押回聽候結絕若二事不服一縣衙從條施行

督嫁

將已嫁之女背後再嫁

蔡久軒

胡十三戲謔子婦雖未成姦然舉措悖理甚失阿吳固難再歸其家然亦只據阿吳所說如此未經官司勘正而其父吳慶乙受其兄吳大三之教遽將阿吳收匿背後嫁與外州人事乃妄

經本司訴其女不知下落設使根究不出豈不重為胡千三之  
禍揆之以法合是反坐吳慶乙勘杖編管鄰州若妄訴一節亦  
是吳大三所教則吳大三當從杖編管而吳慶乙可免帖縣追  
吳大三根究解從本司施行阿吳若歸胡千三之家回必有投  
水自縊之禍然背夫盜嫁又豈可再歸胡氏之家名不正則言  
不順本縣責付官牙再行改嫁所斷已當此事姑息不得胡千  
三未經勘正難以加罪如再有詞仰本縣送獄勘正其悖理之  
罪重作施行以為為舅而舉措謬亂者之戒

士人娶妓

蔡久軒

公舉士人娶官妓豈不為名教罪人豈不為士友之辱不可不可大不可

薨逝之後不許悔親

蔡久軒

寸帛為親而况雙縑之多乎結姻於徐侍郎進用之時背盟於徐侍郎薨逝之後悞之公議毋乃不可乎若曰四年不相問則徐侍郎之戚方新又安可促姻乎牒州照已行催與結絕申

嫂嫁小叔入狀

胡石璧

阿區以一婦人而三易其夫失節固已甚矣但李孝德乃其小叔豈得以制其命縱使以其背兄而嫉惡之則當其改嫁李從

龍之時使合聲其罪陳之有司如此則其名正而其言順矣今  
阿區既久為李從龍之是適則是阿區已為李從龍之妻非復  
李孝標之妻是不為李孝德之嫂矣李從龍既死之後或嫁或  
不嫁惟阿區之自擇可也李孝德何與焉况阿區之適梁肅也  
主婚者叔翁李伯侃送嫁者族叔李孝勛初非鑽穴隙相窺踰  
墻相從者比李孝德其又何辭以興訟乎小人不守本分不務  
本榮專好論訴以稱雄於鄉里異時破家蕩產殞命傷生皆因  
於此若不勘斷何以息爭李孝德杖一百餘人並放

女已受定而復奪當責還其夫

翁浩堂



此事當職原斷未免踈畧緣不曾引上妻一娘供責今據妻一娘所供康宅曾將此女轉嫁吳姪二家得錢叁仟見阿吳論取却作係貢元名擔庇姜百三賣已受定之文固為有罪其計出於貧困無聊今形狀累然若此安得有錢可贖遷延日久使人父子夫妻散離而不合亦仁人君子所宜動心也引示幹人取狀仍先責妻一娘還其夫成婚如法

妻以夫家貧而此離

劉後村

夫有出妻之理妻無棄夫之條丘教授未第之前以女弟適黃桂既生五女夫一旦丘教授偶中高科門戶改變黃桂不替營

運家道凋零丘教授遽奪女弟今爲離書嗟呼丘教授壽槩  
亦萬里客死豈非此等事有以累其陰陽歟惜乎當時有司觀  
望顧情莫有以義理勸諭丘教授者前任知縣不得不任其責  
矣雖然匹夫不可奪志苗桂若真有伉儷之誼何可斷而離書  
不可寫今觀手寫離書却翻悔於七年之後亦已踈矣黃桂不  
曾犯義絕既奪其妻又并其所生女子奪歸丘氏家天下豈有  
無父之國哉丘貢士宜鑒乃兄覆轍做些好事以助前程如黃  
桂者夫婦可以復合宜以丘氏還之昔人教詔其女云無因貧  
故事人不謹丘教授讀書雖多此二語所未講也如夫婦不可

復合亦既念黃桂貧乏質助錢物使之別娶所生長女原納劉縣尉聘財未審是何人交受原承監兩下評議定兩日

女家已回定帖而翻悔

劉後村

謝迪雖不肯招認定親帖子但引上全行書鋪辨驗見得上件帖子係謝迪男必洪親筆書寫謝迪初詞亦云勉寫回帖今乃併與回帖隱諱不認是何冒中擾擾前後不相照應如此在法許嫁女已投婚書及有私約而輒悔者杖六十更許他人者杖一百已成者徒一年女追歸前夫定親帖子雖非婚書豈非私約乎律文又云雖無許婚之書但受聘財亦是注云聘財無多

少之限然則受繚一疋豈非聘財乎况定帖之內開載奩匣數  
目明言謝氏女子與劉教授宅官教議親詳悉明白又非其他  
算帖之比官司未欲以文法相繩仰謝迪父子更自推詳法意  
從長較議不可待官司以柱後惠文從事悔之無及兩爭人並  
押下評議來日呈再判字雖不可得而掩尚謂之假帖可乎婚  
男嫁女非小事也何不詳審於議親之初既面定帖却行翻  
悔合與不合成婚申法不由知縣更自推詳原判從長較議原  
承併勘劉顯母子既已與訟縱使成婚有何面目相見况兩  
下對定而已今晚更無定論不免追人寄收再判和對之事豈

無鄉曲親戚可以調護知縣非和對公事之人照已判監索繅  
帖一日呈再判定帖分明條法分明更不從長評議又不齎出  
繅帖必要訊荆下獄而後已何也再判公事到官有理與法形  
勢何預焉謝迪廣永書劄又托人來干懇謂之倚恃形勢亦可  
既已定帖與人又自翻悔若據條法止得還親再今晚別有施  
行再判在法諸背先約與他人為婚追歸前夫已嫁尚追況未  
嫁乎劉頴若無絕意謝迪只得發盟不然爭訟未有已也仰  
更詳法制兩下從長對定申再判照放各給事由

定奪爭婚

劉後村

吳重五家貧妻死之時偶不在家同姓人吳千乙兄弟與之折  
合併挈其幼女以往吳重五歸來亦幸其女之有所歸置而不  
問未幾吳千二將阿吳賣與翁七七為媳婦吳重五亦自知之  
其事實實在嘉定十三年十一月去年八月吳重五取其女歸家  
至十一月復嫁與李三九為妻致翁七七經府縣有詞追到吳  
千二等供對却稱先來係媒娶得阿吳為妻自知同姓不便改  
嫁與翁七七之子同姓為親故冒法禁離正之可也豈應改嫁  
接受財禮吳千二將阿吳嫁與翁七七之子固是違法然後來  
已自知情又曾受過翁七七官會二貫文豈應復奪而嫁之否

將阿吳責還翁七七之子但阿吳既嫁李三九已自懷孕他時生子合要歸着萬一生產之時或有不測則吳重五李三九必興詞訟不惟翁七七之家不得安迹官司亦多事失當廳引上翁七七諭以此意亦欣然退歸聽不願理取但乞監還財禮別行婚娶阿吳責還李三九交領吳千乙吳千二吳重五犯在赦前且與免斷引監三名備原受錢會交還翁七七

諸定婚無故三年不成婚者聽離

趙惟齋

照得陳鑑訴劉有光不肯將義女魏榮姐還親事竊詳上件事元經縣斷再經承廳看定皆行勸諭擇日還親亦可謂曲盡人

情禁兩詞未已各持一說然始初議親之際陳劉二家以三世  
交契論婚是為既親且契盡善盡美只緣男家逗遛五年不  
成親遂致女家有中輟之意爭訟之端自茲始矣觀各人前後  
所供甚為明白寶慶元年議婚至紹定二年男家有詞經縣催  
促成婚則許親之時至陳訴之日首尾已歷五載矣違諸定婚  
無故三年不成婚者聽離之條本縣與承廳勸諭還親已是舍  
法意而用人情然上件法意正謂無故不成婚者設如有故者  
則不然也且據陳鑑父陳坦紹定二年經縣初狀其時狀詞已  
稱自安吉州庄所回歸繼觀陳鑑之詞亦謂其父坦出安吉州



避寇身故以此二事觀之彼則自謂是有故而然矣殊不思初陳狀之時已出三年之外若還聘財而聽離初非違法但寒盟者先自女家既聞其婚陳凱不肖破落不學無文母之愛女情切於衷不得不顧而之他於三年之條實無疑惜乎其母不能經官自陳改嫁各還聘財遂惹陳鑑之詞及觀劉有光之妻趙氏紹定三年三月內經趙權縣判執照狀云昨使王張為媒議娶其後夫劉貢元所生女劉一姐陳鑑却生詞論賴輒妄稱議娶女兒先嫁魏景官所生女魏榮姐觀見其意是欲以劉一姐易魏榮姐以嫁凱却不思先來縣所供乃謂夫劉貢士前妻一

女又在湖北招親如此則凱所議之妻果魏榮姐而非劉一姐明矣况劉有光既云陳凱所定者是其前妻之女魏榮姐在室未嘗嫁人未曾許親設或有人執伐親母主婚名正言順有何窒礙而自生支節乃經趙樞縣判執照將魏榮姐嫁崇安縣詹應發可謂詐偽心勞日拙今陳鑑之詞又云嫁與浦城縣毛六秀嫁毛未知孰是此誠可疑再詳劉有光後在公廳所供畫一內云劉一姐以疾不起是又欲以魏榮姐生存之人交贅之禮尤賴為劉一姐已死之人聘財乃引用已成之法而不還前後之詞五相矛盾知此以世勢而締姻好何由得成以法意論之則

已出三年之限以人事言之成畢之後難保其徒今既各懷忿憾已敗前盟初意何在男女婚姻與其他訟不同一家論訴非一朝夕儻強之合色禍端方起幸親迎未成去就甚輕若不斷之以法意參之以人情則後日必致仇怨愈深案煩不已況陳鑑今詞謂魏榮姐與浦城毛元六秀為妻苟或不虛則是已為他人之妻矣一女不事兩夫陳鑑既為士子豈不洞達此理焉可使魏榮姐為失節之婦乎但當時之甌墜地而不復問可也何必眷眷於一魏榮姐邪然原議卒寒實在女家所有聘禮當還男家庶得兩盡人情可無詞說欲乞台判照點對事理施行

取自台旨奉判府黃監簿占判所擬已行在堂案牘帖本縣照行

離婚

婚嫁皆違條法

謹按律曰諸和娶人妻及嫁之者各徒二年即夫自嫁者亦同仍兩離之又曰諸妻擅去徒二年葉四有妻阿邵不能供養自寫立休書錢領及畫手模將阿邵嫁與呂元五父子共交去官會三百貫尚有未盡會二百貫寄留葉萬六家既已親書交錢又復經官陳理若如此而可取妻是妻可以戲賣也呂元五貪

圖阿邵為妻令裴千七夫妻與楊萬乙毀謗葉四雖已寫約尚未心服而遽占留阿邵在家若如此而可得妻是妻可以力奪也律有兩離之法正為此等阿邵身為葉四妻雖夫不良且合依毋遽委身於呂元五惟恐改嫁之不速如此而可免罪是妻可以擅去也三名按法各得徒罪且就本縣各勘杖一百照條兩離之葉四呂元五皆不得妻阿邵斷訖責付牙家別與召嫁楊萬乙裴千七葉萬六不安本業輒造事端和離人妻亦合徒斷楊萬乙裴千七知情押契兩人各勘杖一百葉萬六不知本謀只是受寄官會勘杖六十葉千七阿鄭各係所由違法離嫁

亦合收罪念其年老各且免科索到賍錢沒官裴千七案候追  
斷

已成婚而夫離鄉編管者聽離

在法已成婚而移鄉編管其妻願離者聽夫出外三年不歸亦  
聽改嫁今卓一之女五姐原嫁林莘仲續後林莘仲因事編管  
而六年並不通問揆之於法自合離婚而卓一之尚以半子為  
念與議和離立定文約領去聘財四十五貫官會有林莘仲批  
領唐用知見食號分明又有卓氏經官自陳一狀可據林莘仲  
今復何辭乎既受其官會又許其改嫁使卓氏已嫁他人今其

可取乎林羊仲可謂妄詞合行收罪免斷

接脚夫

已嫁妻欲據前夫屋業

劉後村

劉有光舉首趙氏兒宗姬兩相傾慕遂成姻對才貌固未為非偶然初七日過聘初八日成親似太匆匆況納采於已成身之後交爵於未合卺之前何異於自獻乎遂事姑置勿論第趙氏先嫁魏景宣景宣既沒趙氏能守柏舟共姜之志則長有魏氏之屋宜也今已改嫁劉有光遂以接脚為名鵲巢鳩居豈能免魏景謨等之詞乎據劉有光齋出揚奎簡則執先有招夫入舍

之約魏景謨齎出劉預簡則有推借本家戚親一是一非彼此  
互持但揆之理法趙氏前夫有子魏汝楫且生孫矣其屋同居  
魏景謨魏景烈各有分支書內明言未分劉有光非其族類乃  
欲據其屋誠所未安况嫌隙已開若復出入其家飲食男女於  
其間不獨面目有覷亦傍觀所羞稍有氣節者將望望而去之  
趙氏以其屋為嫁後自得錢添造詳魏景謨詞則慶元四年  
兄弟三人同起造趙氏於慶元六年方嫁歸無緣為魏氏造  
屋於未嫁歸之前所論遺囑在官司尤為難信自有詞以來但  
稱姑黃氏遺囑令景謨等量支錢物與之招夫及克女榮姐嫁



資郎無一語所謂文約忽於第五狀稱去冬招大間魏景謨令  
男女楫立文約與兒分還遺囑錢物係景烈收此文約有姪魏  
唐佐知見及喚上各人累行供對皆謂無之然果有文約趙氏  
前此畫一供具深自辨數當拈為第一義可也何至第五狀然  
後聲說又當來立約魏景謨景烈何不書押而令其男自書豈  
足取信况一千五百緡之文約得之當如獲至寶牢執以為取  
償之具何至仍令魏景烈自收既果為收執先是又無一詞何  
邪且如謂其時忽然病患面受遺囑續又稱卧病四年遺囑有  
所諱言死者不可復作而趙氏之詞自為異同如此官司憑何

將人根究詳趙氏初詞止稱勸諭二伯少賜周全今乃紛紛強  
詞必欲求勝作偽日拙不自知其漏逗至如論景謨以錢生與  
兒子女揖展轉田業車碓等尋復稱基址係姑黃氏未分之業  
不得典賣始自稱趙將領市舶為夫魏景宣前室所立尋復論  
魏景謨詭立趙宗姬等力買到郭神與等田業累稱係姑黃氏  
買到還以收管其夫尋復告論魏景謨買到冒立宗姬等力似  
此尚有之夫抵愈辨而寔每詰輒窮昨來官司未欲遽行定案  
諭令對定亦欲姑全兩家情好耳而詞說日見支蔓紙益煩紊  
今據案下筆惟知有理法耳咎魏景謨者寧不曰不能訓誨其

姪汝揖使之遊蕩而縱令趙氏改適人家子弟不肖之心生雖親父尚不能收淑其子況猶子乎趙氏之親兄忠翊去年六月內會論僕使曹公鼓誘其妹趙氏將首飾財物二千餘貫以遊玩為名出外恣無忌憚動經歲月縣案具存可覆則趙氏先已不能安其室魏氏能勿許其改適乎魏景宣非無子孫且其屋係同居親共分法不應召接脚夫劉貢士正當遠者大者自期若小小取舍不能勇決轉為告訐徒敗心術豈不深可惜邪趙氏改嫁於義已絕不能更占前夫屋業合歸劉貢士家事姑與夫乃合情法魏景宣房下一分田產多為魏汝揖典賣祭姐乃

在室親女已撥之田宜與兄嫁資其趙開下市舶將領宗姬族  
姬等力田魏景謨供係弟景宣前室趙氏置立雖有違碍然已  
年深景宣與其前妻並亡歿立戶之時汝楫尚幼今固難以其  
罪坐之關鄉司盡數割歸本戶趙氏不應占魏景宣前夫之業  
合還其親男魏汝楫管佃仍仰尊長魏景烈等糾覈不得更容  
與賣魏汝楫違法娶娼婦從未減杖八十離之索到婚書係魏  
汝楫自主婚尊長並無干預賣汝楫狀入案日下還家承續如  
更留縣郭與娼婦復合併追湯賽賽斷趙氏所論黃氏遺囑及  
已撥還田產並無照據委難施行但魏榮姐為魏氏之血屬宜

早嫁遣仰魏景謨以兄弟為念當恤其女或於堂前財物內議  
行支撥量具其嫁資以慰九原之望案具所斷因依照限具申  
使府外劉有允經縣告諭魏景謨諒乃自係兩事別呈

崔賃

時官販生口礙法

蔡入軒

見任官買販生口尤法禁之所不許黃文押下供女使三名責  
付官牙尋曾據黃文供呈奉台判為時官而買販生口因為礙  
法為本縣市民之女於法可平黃文勘挾一百押出本路累其  
女子三名押下縣請知縣與上親屬分付逐一取領狀申縣討

不守條令毀買部民之女合行禁奏先具析限一日申仍請本縣追上潘牙人程牙婆兩名各從杖八十訖申

賣過身子錢

蔡久軒

阿陳之女方於前年十一月崔與鄭萬七官者七年止計舊會二百二十千十二月更崔與信州牙人徐百二徐百二隨即崔與鉛山陳北九身子錢已增至七百貫矣纔及六月陳北九又崔與漆公鎮客人千二曾日月之幾何而價已不啻三倍矣送通判廳監限十日足違限却收賣女之罪勘斷錮身取足庶知倚法欺騙之無所利也餘人放鎖索推毀

名公書判清明集卷之九